

INCIPIT PROLOGUS

IN

ITINERARIUM MENTIS IN DEUM

1. In principio primum principium, a quo cunctae illuminationes descendunt tanquam a *Patre luminum*, a quo est *omne datum optimum et omne donum perfectum*¹, Patrem scilicet aeternum, invoco per Filium eius, dominum nostrum Iesum Christum, ut intercessione sanctissimae Virginis Mariae, genitricis eiusdem Dei et domini nostri Iesu Christi, et beati Francisci, ducis et patris nostri, *det illuminatos oculos*² mentis nostrae *ad dirigendos pedes nostros in viam pacis illius, quae exsuperat omnem sensum*; quam pacem evangelizavit et dedit dominus noster Iesus Christus; cuius praedicationis repetitor fuit pater noster Franciscus, in omni sua praedicatione pacem in principio et in fine annuntians, in omni salutatione pacem optans³, in omni contemplatione ad ecstaticam pacem suspirans, tanquam civis illius Ierusalem, de qua dicit vir ille pacis, *qui cum his qui oderunt pacem, erat pacificus*: *Rogate quae ad pacem sunt Ierusalem*⁴. Sciebat enim, quod thronus Salomonis non erat nisi in pace, cum scriptum sit: *In pace factus est locus eius, et habitatio eius in Sion*.

2. Cum igitur exemplo beatissimi patris Francisci hanc pacem anhelu spiritu quaererem, ego peccator, qui loco ipsius patris beatissimi post eius transitum septimus in generali fratrum ministerio per omnia indignus succedo; contigit, ut nutu divino circa Beati ipsius transitum, anno trigesimo tertio⁵ ad montem Alvernae tanquam ad locum quietum

amore quaerendi pacem spiritus declinarem, ibique existens, dum mente tractarem aliquas mentales ascensiones in Deum, inter alia occurrit illud miraculum, quod in praedicto loco contigit ipsi beato Francisco, de visione scilicet Seraph alati ad instar Crucifixi⁶. In cuius consideratione statim visum est mihi, quod visio illa praetenderet ipsius patris suspensionem in contemplando et viam, per quam pervenitur ad eam.

3. Nam per senas alas illas recte intelligi possunt sex illuminationum suspensiones, quibus anima quasi quibusdam gradibus vel itineribus disponitur, ut transeat ad pacem per ecstaticos excessus sapientiae christianae. Via autem non est nisi per ardentissimum amorem Crucifixi, qui adeo Paulum ad *tertium caelum raptum*⁷ transformavit in Christum, ut diceret: *Christo confixus sum cruci, vivo autem, iam non ego; vivit vero in me Christus*; qui etiam adeo mentem Francisci absorbit, quod mens in carne patuit, dum sacratissima passionis stigmata in corpore suo ante mortem per biennium deportavit. Effigies igitur sex alarum seraphicarum insinuat sex illuminationes scalares, quae a creaturis incipiunt et perducunt usque ad Deum, ad quem nemo intrat recte nisi per Crucifixum. Nam *qui non intrat per ostium, sed ascendit aliunde, ille fur est et latro*⁸. Si quis vero per hoc ostium introierit, ingredietur et egredietur et pacem inveniet. Propter quod dicit Ioannes in Apocalypsi: *Beati qui lavant vestimenta*

Visio Francisci.

Applicatio eiusdem.

Christus ostium.

S. Franciscus praedicator pacis.

Scribendi occasio, tempus, locus.

¹ Iac. 4, 17. — Superius pro *illuminationes* CDEF illustrationes.

² Eph. 4, 17. seq. — Seq. locus est Luc. 4, 79; tertius Phil. 4, 7. — Subinde respicitur Ioan. 14, 27: Pacem relinquo vobis, pacem meam do vobis etc.

³ Cfr. Vitae primae S. Franc. pars I, a Thoma de Celano, c. 10; Legenda trium sociorum, c. 8. et Legenda S. Francisci a Bonav. scripta, c. 3.

⁴ Psalm. 119, 7. et Ps. 121, 6. — Seq. locus est Ps. 75, 3.

⁵ Scilicet 1259. — Ed. 1 anno 32. Edd. post Beati ipsius transitum, codd. refragantibus (verba: circa... transitum, qui fuit 4. Octob. 1226, determinant tempus autumnii). Inferius pro *locum quietum* [D G K L quietis] A substituit *montem quietum*.

⁶ Cfr. Vitae primae S. Franc., pars II. c. 3; Legenda trium sociorum, c. 17. et Legenda S. Francisci a Bonav. scripta, c. 43, ubi etiam insinuat, quod visio haec et stigmatizatio Francisci fuerit biennio ante ipsius mortem, scil. anno 1224. — De Seraph alato cfr. Isai. 6, 2. — Mox post *In cuius* A C addunt *rei*, qui etiam inferius cum 1, 2 *venitur pro pervenitur*.

⁷ Epist. II. Cor. 12, 2. (A B D E F M omittunt *tertium*). — Seq. locus est Gal. 2, 49. seq. — Superius post *ut transeat* D F H K L M N addunt *ex hoc mundo* (Ioan. 13, 1).

⁸ Ioan. 10, 1. Edd. post *ostium* addunt *in ovile*, cui Vulgata subnectit *ovium*. — Seq. locus est ibid. v. 9; tertius est Apoc. 22, 14. Pro *ingrediantur civitatem* Vulgata *intrent in civitatem*.

*sua in sanguine Agni, ut sit potestas eorum in ligno vitae, et per portas ingrediantur civitatem; quasi dicat, quod per contemplationem ingredi non potest Ierusalem supernam, nisi per sanguinem Agni intret tanquam per portam. Non enim dispositus est aliquo modo ad contemplationes divinas, quae ad mentales ducunt excessus, nisi cum Daniele sit vir desideriorum¹. Desideria autem in nobis inflammantur dupliciter, scilicet per *elamorem orationis*, quae rugire facit a *gemitu cordis*, et per *fulgorem speculationis*, qua mens ad radios lucis directissime et intensissime se convertit.*

Dispositio-
nes neces-
sariae.

Invenit lecto-
rem ad dispo-
sitiones ac-
quirendas.

Quibus scri-
pserit.

4. Igitur ad gemitum orationis per Christum crucifixum, per cuius sanguinem purgamur a sordibus vitiorum², primum quidem lectorem invito, ne forte credat, quod sibi sufficiat lectio sine unctione, speculatio sine devotione, investigatio sine admiratione, circumspectio sine exultatione, industria sine pietate, scientia sine caritate, intelligentia sine humilitate, studium absque divina gratia, speculum absque sapientia divinitus inspirata. — Praeventis igitur divina gratia, humilibus et piis, compunctis et devo-

tis, unctis *oleo lactitiae*³ et amatoribus divinae sapientiae et eius desiderio inflammatis, vacare volentibus ad Deum magnificandum, admirandum et etiam degustandum, speculationes subiectas propono, insinuans, quod parum aut nihil est speculum exterius propositum, nisi speculum mentis nostrae tersum fuerit et politum. Exerce igitur te, homo Dei, prius ad stimulum conscientiae remordentem, antequam oculos elevas ad radios sapientiae in eius speculis relucentes, ne forte ex ipsa radiorum speculatione in graviorem incidas foveam tenebrarum.

5. Placuit autem distinguere tractatum⁴ in septem capitula, praemittendo titulos ad faciliorem intelligentiam dicendorum. Rogo igitur, quod magis pensetur intentio scribentis quam opus, magis dictorum sensus quam sermo incultus, magis veritas quam venustas, magis exercitatio affectus quam eruditio intellectus. Quod ut fiat, non est harum speculationum progressus perfunctorie transcendendus, sed morosissime ruminandus.

Distinctio
tractatus.

EXPLICIT PROLOGUS.

INCIPIUNT CAPITULA.

Primum capitulum, de gradibus ascensionis in Deum et de speculatione ipsius per vestigia eius in universo.

Secundum capitulum, de speculatione Dei in vestigiis suis in hoc sensibili mundo.

Tertium capitulum, de speculatione Dei per suam imaginem naturalibus potentis insignitam.

Quartum capitulum, de speculatione Dei in sua imagine donis gratuitis reformata.

Quintum capitulum, de speculatione divinae unitatis per eius nomen primum, quod est *esse*.

Sextum capitulum, de speculatione beatissimae Trinitatis in eius nomine, quod est *bonum*.

Septimum capitulum, de excessu mentali et mystico, in quo requies datur intellectui, affectu in Deum per excessum totaliter transeunte.

EXPLICIT CAPITULA⁵.

INCIPIIT SPECULATIO PAUPERIS IN DESERTO.

CAP. I.

De gradibus ascensionis in Deum et de speculatione ipsius per vestigia eius in universo.

1. *Beatus vir, cuius est auxilium abs te, ascensiones in corde suo disposuit in valle lacrymarum,*

*in loco, quem posuit*⁶. Cum beatitudo nihil aliud sit, quam summi boni fruitio; et summum bonum sit supra nos: nullus potest effici beatus, nisi supra semetipsum ascendat, non ascensu corporali, sed cordiali. Sed supra nos levare non possumus nisi per virtutem superiorem nos elevantem. Quantumcumque enim gradus interiores disponantur, nihil fit, nisi

Beatitudo
supra nos.

Virtus ele-
vans.

¹ Dan. 9, 23. — Inferius respicitur Ps. 37, 9: *Rugiebam a gemitu cordis mei. — Superius pro Non enim dispositus est [K L N disponitur] H. Nullus enim potest disponi.*

² Hebr. 1, 3, dicitur «purgationem peccatorum faciens». I. Ioan. 2, 20. et 27, ubi insinuat, quod unctio divina docet de omnibus.

³ Psalm. 44, 8. — Edd. *divinae lactitiae*, quae etiam post pauca pro *admirandum* substituant *amandum*. Inferius pro *nihil est* *nihil prodest*, et pro *remordentem* G K L M N *remordentis*.

⁴ EP *tractatum*. Inferius voci *venustas* edd. praefigunt *sermonum*.

⁵ Haec capitula cum quibusdam nullius momenti variantibus lectionibus hic ponuntur in codd. et 1, 2, 3, 4; B alique codd. non hic, sed in ipso textu ad cc. 3. 4. 5 post vocem *capitulum* adiciunt et tertius (quartus... quintus) gradus; Verba *Incipit speculatio pauperis in deserto* habentur in BE F K P Q et 1, 2, 3, 4.

⁶ Psalm. 83, 6. seq.

divinum auxilium comitetur. Divinum autem auxilium comitatur eos qui petunt ex corde humiliter et devote; et hoc est ad ipsum suspirare in hac *lacrymarum valle*, quod fit per ferventem orationem. Oratio igitur est mater et origo sursum-actionis. Ideo Dionysius in libro de Mystica Theologia¹, volens nos instruere ad excessus mentales, primo praemittit orationem. Oremus igitur et dicamus ad Dominum Deum nostrum: *Deduc me, Domine, in via tua, et ingrediar in veritate tua; laetetur cor meum, ut timeat nomen tuum.*

Oratio mater sursum-actionis.

De gradibus in genere.

Gradus 3 ascensionis principales.

2. In hac oratione orando illuminamur ad cognoscendum divinae ascensionis gradus. Cum enim secundum statum conditionis nostrae ipsa rerum universitas sit scala ad ascendendum in Deum; et in rebus quaedam sint *vestigium*, quaedam *imago*², quaedam *corporalia*, quaedam *spiritualia*, quaedam *temporalia*, quaedam *aeviterna*, ac per hoc quaedam *extra nos*, quaedam *intra nos*: ad hoc, quod perveniamus ad primum principium considerandum, quod est *spiritualissimum* et *aeternum* et *supra nos*, oportet nos *transire per vestigium*, quod est *corporale* et *temporale* et *extra nos*, et hoc est *deduci in viam Dei*; oportet, nos *intrare ad mentem nostram*, quae est *imago Dei aeviterna, spiritualis* et *intra nos*, et hoc est *ingredi in veritate*³ Dei; oportet, nos *transcendere ad aeternum, spiritualissimum*, et *supra nos*, aspiciendo ad primum principium, et hoc est *laetari in Dei notitia et reverentia maiestatis*.

Comparatur ad quatuor.

3. Haec est igitur via trium dierum in solitudine⁴; haec est triplex illuminatio unius diei, et prima est sicut vespera, secunda sicut mane, tertia sicut meridies; haec respicit triplicem rerum existentiam, scilicet in materia, in intelligentia et in arte aeterna, secundum quam dictum est: *fiat, fecit, et factum est*⁵; haec etiam respicit triplicem substantiam in Christo, qui est scala nostra, scilicet corporalem, spirituales et divinam.

Mentis aspectus tres.

4. Secundum hunc triplicem progressum mens nostra tres habet aspectus principales. Unus est ad

corporalia exteriora, secundum quem vocatur *animalitas* seu sensualitas; alius intra se et in se, secundum quem dicitur *spiritus*; tertius supra se, secundum quem dicitur *mens*. — Ex quibus omnibus disponere se debet ad conscendendum in Deum, ut ipsum diligit *ex tota mente, ex toto corde et ex tota anima*⁶, in quo consistit perfecta Legis observatio et simul cum hoc sapientia christiana.

5. Quoniam autem quilibet praedictorum modorum geminatur, secundum quod contingit considerare Deum ut *alpha et omega*⁷, sen in quantum contingit videre Deum in unoquoque praedictorum modorum ut *per speculum* et ut *in speculo*, sen quia una istarum considerationum habet commiseri alteri sibi coniunctae et habet considerari in sua puritate: hinc est, quod necesse est, hos tres gradus principales ascendere ad senarium, ut, sicut Deus sex diebus perfecit *universum mundum* et in septimo requievit; sic *minor mundus* sex gradibus illuminationum sibi succedentium ad quietem contemplationis ordinatissime perducatur. — In cuius rei figura sex gradibus ascendebatur ad thronum Salomonis⁸; Seraphim, quae vidit Isaías, senas alas habebant; post sex dies *vocavit Dominus Moysen de medio caliginis*, et Christus *post sex dies*, ut dicitur in Matthaeo, *duxit discipulos in montem et transfiguratus est ante eos*.

Gradus illi geminantur.

Gradus sex.

Figure 4.

6. Iuxta igitur sex gradus *ascensionis* in Deum sex sunt gradus *potentiarum* animae, per quos ascendimus ab inis ad summa, ab exterioribus ad intima, a temporalibus conscendimus ad aeterna, scilicet *sensus, imaginatio, ratio, intellectus, intelligentia* et *apex mentis* seu synderesis scintilla⁹. Hos gradus in nobis habemus plantatos per naturam, deformatos per culpam, reformatos per gratiam; purgandos per institutionem, exercendos per scientiam, perficiendos per sapientiam.

Gradus sex potentiarum.

7. Secundum enim primam naturae institutionem creatus fuit homo habilis ad contemplationis quietem, et ideo *posuit eum Deus in paradisi deliciarum*¹⁰. Sed avertens se a vero lumine ad

Peccatum originale.

¹ Cap. I. § 1. Vide infra c. 7. n. 5. — Seq. locus est Ps. 85, 11. Cfr. Breviloq. p. V. c. 1. et 10. — Superius pro *sursum-actionis* A D G M *sursum-ascensionis*; ead. *sursum-actionis* in Deum, H K L *sursum tendentis actionis* in Deum. Nostra lectio est ex B C I K L N P. Inferius A D G M et 1, 2 omittunt *orando*.

² Cfr. supra Breviloq. p. II. c. 12. — Inferius (his occurrit) pro *aeterna* non pauci eodd. perperam *aeterna* (praeter subnexa, cfr. etiam H. Sent. d. 2. p. I. a. 1. q. 1.), et pro *perveniamus* plures eodd. *perveniamur*.

³ Ita A C G L M N; quae lectio respondet verbis Psalmi superius allegati; ead. *veritatem*; paulo superius et inferius post *oportet* fide plurimorum et meliorum eodd. bis omisimus *etiam*.

⁴ Exod. 3, 18: Ibinus viam trium dierum in solitudinem [ita etiam K L], ut immolemus Domino Deo nostro. — Plures eodd. omittunt *igitur*.

⁵ Gen. 1, 3. seqq. Cfr. supra pag. 230, nota 5.

⁶ Marc. 42, 30. Cfr. Matth. 22, 37; Luc. 10, 27. — Su-S. Bonav. — Tom. V.

perius post *alius* A addit *ad spiritualia*, et post *tertius* eum 1 et 2 ad *aeterna*. Pro *conscendendum* plures eodd. *ascendendum*.

⁷ Apoc. 1, 8. — De differentia, quae est inter cognitionem Dei *per speculum* creaturarum et *in speculo*, cfr. I. Sent. d. 3. p. 1. q. 3. — De senario creationis vide supra Breviloq. Prolog. § 2. et p. II. c. 2. — Inferius pro *una* ead. *unaquaque*, et pro *ascendere* plures eodd. non bene *conscendere*.

⁸ Libr. III. Reg. 40, 19. — Subinde respicitur Isai. 6, 2; Exod. 24, 46. et Matth. 17, 1. seq. Rost in *montem* Vulgata addit *excelsum seorsum*.

⁹ Cfr. de Spiritu et anima (inter opera August.), c. 10-14. et 38. — Inferius pro *exercendos* L *illuminandos*.

¹⁰ Gen. 2, 15. Secundum septuaginta interpretes, Vulgata *voluptatis* pro *deliciarum*. — De originali peccato cfr. Breviloq. p. III. c. 5. seqq. Subinde respicitur Tob. 5, 12: Et ait Tobias: Quale gaudium mihi erit, qui in tenebris sideo et lumen caeli non video? — Superius pro *enim* Vat. *etiam*. Mox post *Sed avertens se* K L addunt *a summo bono*.

commutabile bonum, incurvatus est ipse per culpam propriam, et totum genus suum per originale peccatum, quod dupliciter infecit humanam naturam, scilicet ignorantia mentem et concupiscentia carnem; ita quod excaecatus homo et incurvatus in tenebris sedet et caeli lumen non videt, nisi succurrat gratia cum iustitia contra concupiscentiam, et scientia cum sapientia contra ignorantiam. Quod totum fit per Iesum Christum, qui factus est nobis a Deo sapientia et iustitia et sanctificatio et redemptio¹. Qui cum sit Dei virtus et Dei sapientia, sit Verbum incarnatum plenum gratiae et veritatis, gratiam et veritatem fecit, gratiam scilicet caritatis infudit, quae, cum sit de corde puro et conscientia bona et fide non ficta, totam animam rectificat secundum triplicem ipsius aspectum supradictum; scientiam veritatis edocuit secundum triplicem modum theologiae, scilicet symbolicae, propriae et mysticae, ut per symbolica recte utamur sensibilibus, per propriam recte utamur intelligibilibus, per mysticam rapiamur ad supermentales excessus.

8. Qui igitur vult in Deum ascendere necesse est, ut vitata culpa deformante naturam, naturales potentias supradictas exerceat ad gratiam reformatam, et hoc per orationem; ad iustitiam purificantem, et hoc in conversatione; ad scientiam illuminantem, et hoc in meditatione; ad sapientiam perficientem, et hoc in contemplatione. Sicut igitur ad sapientiam nemo venit nisi per gratiam, iustitiam et scientiam; sic ad contemplationem non venit² nisi per meditationem perspicuam, conversationem sanctam et orationem devotam. Sicut igitur gratia fundamentum est rectitudinis voluntatis et illustrationis perspicuae rationis; sic primo orandum est nobis, deinde sancte vivendum, tertio veritatis spectaculis intendendum et intendendo gradatim ascendendum, quousque veniatur ad montem excelsum, ubi videatur Deus deorum in Sion³.

9. Quoniam igitur prius est ascendere quam descendere in scala Iacob⁴, primum gradum ascensionis collocemus in iuno, ponendo totum istum mundum sensibilem nobis tanquam speculum, per quod transeamus ad Deum, opificem summum, ut simus veri Hebraei transeuntes de Aegypto ad terram Pa-

tribus repromissam, simus etiam Christiani cum Christo transeuntes ex hoc mundo ad Patrem⁵, simus et sapientiae anatores, quae vocat et dicit: Transite ad me omnes, qui concupiscitis me, et a generationibus meis adimplemini. A magnitudine namque speciei et creaturae cognoscibiliter poterit Creator horum videri.

10. Relucet autem Creatoris summa potentia et sapientia et benevolentia in rebus creatis, secundum quod hoc tripliciter nuntiat sensus carnis sensui interiori. Sensus enim carnis aut deservit intellectui rationabiliter investiganti, aut fideliter credenti, aut intellectualiter contemplanti. Contemplans considerat rerum existentiam actualem, credens rerum decursum habituale⁶, ratiocinans rerum praecellentiam potentialem.

11. Primo modo aspectus contemplantis, res in se ipsis considerans, videt in eis pondus, numerum et mensuram⁷: pondus quoad situm, ubi inclinatur, numerum, quo distinguuntur, et mensuram, qua limitantur. Ac per hoc videt in eis modum, speciem et ordinem, nec non substantiam, virtutem et operationem. Ex quibus consurgere potest sicut ex vestigio ad intelligendum potentiam, sapientiam et bonitatem Creatoris immensam.

12. Secundo modo aspectus fidelis, considerans hunc mundum, attendit originem, decursum et terminum. Nam fide credimus, aptata esse saecula Verbo vitae⁸; fide credimus, trium legum tempora, scilicet naturae, Scripturae et gratiae sibi succedere et ordinatissime decurrere; fide credimus, mundum per finale iudicium terminandum esse: in primo potentiam, in secundo providentiam, in tertio iustitiam summi principii advertentes.

13. Tertio modo aspectus ratiocinabiliter investigantis⁹ videt, quaedam tantum esse, quaedam autem esse et vivere, quaedam vero esse, vivere et discernere; et prima quidem esse minora, secunda media, tertia meliora. — Videt iterum, quaedam esse tantum corporalia, quaedam partim corporalia, partim spiritualia; ex quo advertit, aliqua esse mere spiritualia tanquam utrisque meliora et digniora. — Videt nihilominus, quaedam esse mutabilia et corruptibilia, ut terrestria, quaedam mutabilia et

Homo excaecatus et incurvatus.

In Christo gratia et veritas.

Triplex theologia.

Quadruplex exercitium.

Incipit primus gradus.

Tria officia intellectus et tres aspectus.

Aspectus contemplantis videt tria.

Aspectus credentis attendit tria.

Aspectus ratiocinantis videt tria.

¹ Epist. I. Cor. 1, 30. Ibid. v. 24. Apostolus vocat « Christum Dei virtutem et Dei sapientiam ». — Subinde allegatur Ioan. 1, 14. Ibid. v. 17: Gratia et veritas per Iesum Christum facta est. Tertius locus est I. Tim. 1, 5.

² Edd. cum aliquot codd. nemo venit.

³ Psalm. 83, 8: Ibi de virtute in virtutem, videbitur Deus etc. — Cfr. supra pag. 297, nota 1. — Pro spectaculis 1, 2 speculo.

⁴ Gen. 28, 12. Cfr. supra pag. 205, nota 2. — De Hebraeis exeuntibus de Aegypto cfr. Exod. 13, 3. seq.

⁵ Ioan. 13, 1. — Seq. locus est Eccl. 24, 26; Vulgata implemini. Tertius est Sap. 13, 5; Vulgata habet enim pro namque.

⁶ Cfr. supra Breviloq. Prolog. § 2.

⁷ Respicitur Sap. 11, 21; cfr. supra pag. 54, nota 7. — De seqq., quae I. Sent. d. 3. p. I. dub. 3. explicantur, cfr. supra pag. 82, nota 5; pag. 219, nota 1. et pag. 242, nota 5. — Inferius post potest G I H K L M N addunt spiritus.

⁸ Hebr. 11, 3: Fide intelligimus aptata... Verbo Dei (E etiam exhibet Dei, C Dei vitae). Cfr. Breviloq. Prolog. § 2. — Superius pro fidelis, considerans, I fideliter considerantis, L fideliter credentis, considerantis. Mox pro trium legum D G M trine legis, et pro succedere D G K M N successisse, e contra H P decurrere pro decurrere.

⁹ Edd. ratiocinantis investigans; tere omnes codd. viri investigantis, K rationabiliter viri investigantis; quo confirmatur nostra lectio sumta ex H L. Infra pro media D G M medioria; denique Q colligit, quaedam pro advertit, aliqua.

incorruptibilia, ut caelestia; ex quo advertit, quaedam esse *immutabilia et incorruptibilia*, ut super-caelestia.

Ex his ergo visibilibus consurgit ad considerandum Dei potentiam, sapientiam et bonitatem ut entem, viventem et intelligentem, mere spiritualem et incorruptibilem et intransmutabilem¹.

14 Haec autem consideratio dilatatur secundum septiformem conditionem creaturarum, quae est divinae potentiae, sapientiae et bonitatis testimonium septiforme, si consideretur cunctarum rerum *origo, magnitudo, multitudo, pulcritudo, plenitudo, operatio* et *ordo*. — *Origo* namque rerum secundum creationem, distinctionem et ornatum quantum ad opera sex dierum divinam praedicat potentiam cuncta de nihilo producentem, sapientiam cuncta lucide distinguentem et bonitatem cuncta largiter adornantem². — *Magnitudo* autem rerum secundum molem longitudinis, latitudinis et profunditatis; secundum excellentiam virtutis longe, late et profunde se extendentis, sicut patet in diffusione lucis; secundum efficaciam operationis intimae, continuae et diffusae, sicut patet in operatione ignis, manifeste indicat immensitatem potentiae, sapientiae et bonitatis trini Dei, qui in cunctis rebus per *potentiam, praesentiam* et

*essentiam*³ incircumscriptus existit. — *Multitudo* vero rerum secundum diversitatem generalem, specialem et individualement in substantia, in forma seu figura et efficacia ultra omnem humanam aestimationem, manifeste trium praedictarum conditionum in

Deo immensitatem insinuat et ostendit. — *Pulcritudo*⁴ autem rerum secundum varietatem luminum, figurarum et colorum in corporibus simplicibus, mixtis et etiam complexionatis, sicut in corporibus caelestibus et mineralibus, sicut lapidibus et metallis, plantis et animalibus, tria praedicta evidenter pro-

clamat. — *Plenitudo* autem rerum, secundum quod *materia* est plena formis secundum rationes seminales⁵; *forma* est plena virtute secundum activam potentiam; *virtus* est plena effectibus secundum efficienciam, idipsum manifeste declarat. — *Operatio* multiplex, secundum quod est *naturalis*, secundum quod est *artificialis*, secundum quod est *moralis*, sua multiplicissima varietate ostendit immensitatem

illius *virtutis, artis et bonitatis*, quae quidem est omnibus « causa essendi, ratio intelligendi et ordo vivendi⁶. — *Ordo* autem secundum rationem *duractionis, situationis et influentiae*, scilicet per prius et posterius, superius et inferius⁷, nobiliter et ignobiliter, in libro creaturae insinuat manifeste primi principii *primitatem, sublimitatem et dignitatem* quantum ad infinitatem *potentiae*; ordo vero divinarum *legum, praeceptorum et iudiciorum* in libro Scripturae immensitatem *sapientiae*; ordo autem divinarum *Sacramentorum, beneficiorum et retributionum* in corpore Ecclesiae immensitatem *bonitatis*, ita quod ipse ordo nos in primum et summum, potentissimum, sapientissimum et optimum evidentissime manuducit.

15. Qui igitur tantis rerum creaturarum splendoribus non illustratur caecus est; qui tantis clamoribus non evigilat surdus est; qui ex omnibus his effectibus Deum non laudat mutus est; qui ex tantis iudiciis primum principium non advertit stultus est. — Aperi igitur oculos, aures spirituales admove, labia tua solve et cor tuum appone⁸, ut in omnibus creaturis Deum tuum videas, audias, laudes, diligas et colas; magnifices et honores, ne forte totus contra te orbis terrarum consurgat. Nam ob hoc *pugnabit orbis terrarum contra insensatos*⁹, et econtra sensatis erit *materia gloriae*, qui secundum Prophetam possunt dicere: *Delectasti me, Domine, in factura tua, et in operibus manuum tuarum exultabo. Quam magnificata sunt opera tua, Domine! omnia in sapientia fecisti, impleta est terra possessione tua*.

16. Qui igitur tantis rerum creaturarum splendoribus non illustratur caecus est; qui tantis clamoribus non evigilat surdus est; qui ex omnibus his effectibus Deum non laudat mutus est; qui ex tantis iudiciis primum principium non advertit stultus est. — Aperi igitur oculos, aures spirituales admove, labia tua solve et cor tuum appone⁸, ut in omnibus creaturis Deum tuum videas, audias, laudes, diligas et colas; magnifices et honores, ne forte totus contra te orbis terrarum consurgat. Nam ob hoc *pugnabit orbis terrarum contra insensatos*⁹, et econtra sensatis erit *materia gloriae*, qui secundum Prophetam possunt dicere: *Delectasti me, Domine, in factura tua, et in operibus manuum tuarum exultabo. Quam magnificata sunt opera tua, Domine! omnia in sapientia fecisti, impleta est terra possessione tua*.

17. Qui igitur tantis rerum creaturarum splendoribus non illustratur caecus est; qui tantis clamoribus non evigilat surdus est; qui ex omnibus his effectibus Deum non laudat mutus est; qui ex tantis iudiciis primum principium non advertit stultus est. — Aperi igitur oculos, aures spirituales admove, labia tua solve et cor tuum appone⁸, ut in omnibus creaturis Deum tuum videas, audias, laudes, diligas et colas; magnifices et honores, ne forte totus contra te orbis terrarum consurgat. Nam ob hoc *pugnabit orbis terrarum contra insensatos*⁹, et econtra sensatis erit *materia gloriae*, qui secundum Prophetam possunt dicere: *Delectasti me, Domine, in factura tua, et in operibus manuum tuarum exultabo. Quam magnificata sunt opera tua, Domine! omnia in sapientia fecisti, impleta est terra possessione tua*.

18. Qui igitur tantis rerum creaturarum splendoribus non illustratur caecus est; qui tantis clamoribus non evigilat surdus est; qui ex omnibus his effectibus Deum non laudat mutus est; qui ex tantis iudiciis primum principium non advertit stultus est. — Aperi igitur oculos, aures spirituales admove, labia tua solve et cor tuum appone⁸, ut in omnibus creaturis Deum tuum videas, audias, laudes, diligas et colas; magnifices et honores, ne forte totus contra te orbis terrarum consurgat. Nam ob hoc *pugnabit orbis terrarum contra insensatos*⁹, et econtra sensatis erit *materia gloriae*, qui secundum Prophetam possunt dicere: *Delectasti me, Domine, in factura tua, et in operibus manuum tuarum exultabo. Quam magnificata sunt opera tua, Domine! omnia in sapientia fecisti, impleta est terra possessione tua*.

19. Qui igitur tantis rerum creaturarum splendoribus non illustratur caecus est; qui tantis clamoribus non evigilat surdus est; qui ex omnibus his effectibus Deum non laudat mutus est; qui ex tantis iudiciis primum principium non advertit stultus est. — Aperi igitur oculos, aures spirituales admove, labia tua solve et cor tuum appone⁸, ut in omnibus creaturis Deum tuum videas, audias, laudes, diligas et colas; magnifices et honores, ne forte totus contra te orbis terrarum consurgat. Nam ob hoc *pugnabit orbis terrarum contra insensatos*⁹, et econtra sensatis erit *materia gloriae*, qui secundum Prophetam possunt dicere: *Delectasti me, Domine, in factura tua, et in operibus manuum tuarum exultabo. Quam magnificata sunt opera tua, Domine! omnia in sapientia fecisti, impleta est terra possessione tua*.

CAP. II.

De speculatione Dei in vestigiis suis in hoc sensibili mundo.

1. Sed quoniam circa speculum sensibilibum non solum contingit contemplari Deum per ipsa tanquam per vestigia, verum etiam in ipsis, in quantum est in eis per *essentiam, potentiam et praesentiam*; et hoc considerare est altius¹⁰ quam praecedens: ideo huiusmodi consideratio secundum tenet locum tanquam secundus contemplationis gradus, quo debemus

¹ Cfr. I. Sent. lit. Magistri, d. III. c. 4, et Comment. p. I. dub. 4. — Pro *entem* A *existentem*.

² Vide Breviloq. p. II. c. 4, et 2.

³ Cfr. supra pag. 214, nota 3. — Pro *rebus* edd. *creaturis*.

⁴ Definitio pulchritudinis datur in cap. seq. n. 5.

⁵ Vide II. Sent. d. 7. p. II. a. 2. q. 1. et d. 18. a. 1. q. 2. seq. Simili modo dicitur in Lib. de Causis, propos. 40: Omnis intelligentia plena est formis. — Pro *secundum* quod DFGM *secundum quam*, et inferius pro *efficientiam* ACDEIKLMN *efficiam*.

⁶ Secundum August., VIII. de Civ. Dei, c. 4, superius pag. 19, nota 7. allegatum. Cfr. etiam supra pag. 12, nota 7.

⁷ Vide supra pag. 179, nota 9. definitionem ordinis ex August. allatum. Cfr. etiam Aristot., de Praedicam. c. de Priori.

— *De libro creaturae* vide Breviloq. p. II. c. 3. seq. et c. 44; de aliis libris vide ibid. Prolog. § 4. seq. et p. VI. c. 4. — Verba scilicet per *prius...* *ignobiliter* omittuntur (et hoc satis probabiliter) a plerisque codd., inter quos B P, non vero ab A. Inferius Vat. omittit *sublimitatem et dignitatem*; vocibus *immensitatem sapientiae* G K L M N interserunt *ostendit*.

⁸ Prov. 22, 17: Inclina aurem tuam et audi verba sapientium; appone autem cor ad doctrinam meam. — Inferius pro *totus* edd. et plures codd. *universus*, et pro *consurgat* C et 1, 2 *insurgat*.

⁹ Sap. 5, 21. — Seq. locus est Ps. 91, 5; tertius est Ps. 103, 24.

¹⁰ II O et haec consideratio est altior.

manuduci ad contemplandum Deum in cunctis creaturis, quae ad mentem nostram intrant per corporales sensus.

2. Notandum igitur, quod iste mundus, qui dicitur *macrocosmus*, intrat ad animam nostram, quae dicitur *minor mundus*¹, per portas quinque sensuum, secundum ipsorum sensibilibus *apprehensionem*, *oblectationem* et *diuiculationem*. — Quod patet sic: quia in eo quaedam sunt *generantia*, quaedam *generata*, quaedam *gubernantia* haec et illa.

Generantia. *Generantia* sunt corpora simplicia, scilicet corpora caelestia et quatuor elementa. Nam ex elementis per virtutem lucis conciliantis contrarietatem elementorum in mixtis habent generari et produci, quaecumque generantur et producantur per operationem virtutis naturalis. — *Generata* vero sunt corpora ex elementis composita, sicut mineralia, vegetabilia, sensibilia et corpora humana². — *Regentia* haec et illa sunt substantiae spirituales, sive *omnino coniunctae*, ut sunt animae brutales, sive *coniunctae separatae*, ut sunt spiritus rationales, sive *omnino separatae*, ut sunt spiritus caelestes, quos philosophi *Intelligentias*, nos *Angelos* appellamus. Quibus secundum philosophos competit movere corpora caelestia, ac per hoc eis attribuitur *administratio universi*, suscipiendo a prima causa, scilicet Deo, virtutis influentiam, quam refundunt secundum opus gubernationis, quod respicit rerum consistentiam naturalem. Secundum autem theologos attribuitur eisdem regimen universi secundum imperium summi Dei quantum ad *opera reparationis*, secundum quae dicuntur *administratorii spiritus*, *missi propter eos qui hereditatem capiunt salutis*³.

Oportet philosophum et theologum.

3. Homo igitur, qui dicitur *minor mundus*, habet quinque sensus quasi quinque portas, per quas intrat cognitio omnium, quae sunt in mundo sensibili, in animam ipsius. Nam per *visum* intrant corpora sublimia et luminosa et cetera colorata, per *tactum* vero corpora solida et terrestria, per tres vero sensus *intermedios* intrant intermedia, ut per *gustum* aquea, per *auditus* aërea, per *odoratum* vaporabilia, quae aliquid habent de natura humida,

aliquid de aërea, aliquid de ignea seu calida, sicut patet in fumo ex aromatibus resolutio⁴.

Intrant igitur per has portas tam corpora simplicia quam etiam composita, ex his mixta. Quia vero sensu percipiunt non solum haec *sensibilia particularia*, quae sunt lux, sonus, odor, sapor et quatuor *primariae qualitates*, quas apprehendit tactus; verum etiam *sensibilia communia*, quae sunt numerus, magnitudo, figura, quies et motus; et « omne, quod movetur, ab alio movetur⁵ », et quaedam a se ipsis moventur et quiescunt, ut sunt animalia: dum per hos quinque sensus *motus* corporum apprehendimus, manuducimur ad cognitionem motorum spirituum tanquam per effectum in cognitionem causarum.

4. Intrat igitur quantum ad tria rerum genera in animam humanam per *apprehensionem* totus iste sensibilis mundus. Haec autem sensibilia exteriora sunt quae primo ingrediuntur in animam per portas quinque sensuum; intrant, inquam, non per substantias, sed per similitudines suas, primo generatas in medio et de medio in organo et de organo exteriori in interiori et de hoc in potentiam apprehensivam⁶; et sic generatio speciei in medio et de medio in organo et conversio potentiae apprehensivae super illam facit *apprehensionem* omnium eorum quae exterius anima apprehendit.

5. Ad hanc apprehensionem, si sit rei convenientis, sequitur *oblectatio*⁷. Delectatur autem sensus in obiecto per similitudinem abstractam percepto vel ratione *speciositatis*, sicut in visu, vel ratione *suaevitatis*, sicut in odoratu et auditu, vel ratione *sabritatis*, sicut in gustu et tactu, appropriate loquendo. Omnis autem delectatio est ratione proportionalitatis. Sed quoniam species tenet rationem *formae*, *virtutis* et *operationis*, secundum quod habet respectum ad principium, a quo manat, ad medium, per quod transit, et ad terminum, in quem agit; ideo proportionalitas aut attenditur in similitudine, secundum quod tenet rationem *speciei seu formae*, et sic dicitur *speciositas*, quia « pulcritudo nihil aliud est quam aequalitas numerosa », seu « quidam par-

¹ In hac propositione post *iste mundus* add. addunt *sensibilibus*, et post *macrocosmus* Vat. cum add. recentioribus *id est longus mundus*, et ante *minor mundus* iterum add. *microcosmus*, id est. Inferius pro *gubernantia* add. *regentia*.

² Cfr. supra Breviolog. p. II. c. 3. et 4. — Immediatè post pro *Regentia* A *Gubernantia*, et pro *spiritus rationales* add. *animae rationales*.

³ Hebr. I, 14: Vulgata post *spiritus* addit in *ministerium* et substituit *capiunt pro capiunt*. Cfr. II. Sent. d. 10. et 11. Ibid. d. 11. p. I. a. 3. agit de *Intelligentiis*.

⁴ Vide supra pag. 227, nota 5. — De sensibilibus propriis seu particularibus et *communibus* (scil. pluribus sensibus) agit Aristot., II. de Anima, text. 63. seqq. (c. 6.). De quatuor primariis qualitatibus (scil. calido, frigido, humido et sicco) cfr. supra pag. 221, nota 1. — Superius pro *cetera colorata* P *corpora colorata*.

⁵ Secundum Aristot., VII. Phys. text. 4. seqq. Ibid. VIII.

text. 27. seqq. (c. 4.) agit de motu animalium. — Nox pro a se ipsis add. et plures codd. se ipsis; sed apud Aristot. legitur: Eorum autem, quae per se [moventur], alia quidem a se ipsis [ὑπ' αὐτῶν], alia vero ab alio.

⁶ Potentia sensibilis apprehensiva enim dividitur in *exteriorum* et *interiorum*; prior comprehendit quinque sensus exteriores, posterior vero sensum communem, imaginationem (phantasiam), aestimativam et memoriam. — Vat. perperam in *potentia apprehensiva*. Cfr. August., XI. de Trin. c. 9. n. 16. et Aristot., II. de Anima, text. 121. seq. et 136. seqq. (c. 12. et III. c. 2.). — De medio cfr. II. de Anima, text. 74. seqq. (c. 7. seqq.) et de Sensu et sens. c. 7. (c. 6.). — Superius post in organo add. addunt *exteriori*.

⁷ Delectatio siquidem delinatur: coniunctio convenientis cum convenienti. Cfr. tom. I. pag. 38, nota 4. et tom. IV. pag. 391, nota 3, ubi docetur, delectationem proprie consistere in actione consequente hanc coniunctionem.

Sensibilia particularia et communia.

Quomodo res intrant per apprehensionem.

Quomodo Test oblectatio.

Triplex oblectatio explicatur.

Notandum.

Speciositas.

tium situs cum coloris suavitate¹. Aut attenditur proportionalitas, in quantum tenet rationem *potentiae seu virtutis*, et sic dicitur *suavitas*, cum virtus agens non improporcionatiter excedit recipientem; quia sensus tristatur in extremis et in mediis delectatur². Aut attenditur, in quantum tenet rationem *efficaciae et impressionis*, quae tunc est proportionalis, quando agens imprimendo replet indigentiam patientis, et hoc est *salvare et nutrire ipsum*, quod maxime apparet in gustu et tactu. Et sic per *oblectationem* delectabilia exteriora secundum triplicem rationem delectandi per similitudinem intrant in animam.

6. Post hanc apprehensionem et oblectationem fit *diudivatio*, qua non solum diiudicatur, utrum hoc sit album, vel nigrum, quia hoc pertinet ad sensum *particularem*³; non solum, utrum sit salubre, vel nocivum, quia hoc pertinet ad sensum *interiorem*; verum etiam, qua diiudicatur et ratio redditur, *quare* hoc delectat; et in hoc actu inquiritur de *ratione* delectationis, quae in sensu percipitur ab obiecto. Hoc est autem, cum quaeritur *ratio* pulcri, suavis et salubris; et invenitur, quod haec est *portio aequalitatis*. Ratio autem aequalitatis est eadem in magnis et parvis nec extenditur dimensionibus nec succedit seu transit cum transeuntibus nec motibus alteratur. Abstrahit igitur a loco, tempore et motu, ac per hoc est incommutabilis, incircumscripibilis, interminabilis et omnino spiritualis⁴. *Di- iudicatio* igitur est actio, quae speciem sensibilem, sensibilibiter per sensus acceptam introire facit depurando et abstrahendo in potentiam intellectivam. Et sic totus iste mundus introire habet in animam humanam per portas sensuum secundum tres operationes praedictas.

7. Haec autem omnia sunt vestigia, in quibus speculari possumus Deum nostrum. — Nam cum species *apprehensa* sit similitudo in medio genita et deinde ipsi organo impressa et per illam impressionem in suum principium, scilicet in obiectum cognos-

scendum, ducat⁵; manifeste insinuat, quod illa lux aeterna generat ex se similitudinem seu splendorem coaequalem, consubstantialem et coaeternalem; et quod ille qui est *imago invisibilis Dei* et *splendor gloriae et figura substantiae eius*⁶, qui ubique est per primam sui generationem, sicut obiectum in toto medio suam generat similitudinem, per gratiam unionis unitur, sicut species corporali organo, individuo rationalis naturae, ut per illam unionem nos reduceret ad Patrem sicut ad fontale principium et obiectum. Si ergo omnia cognoscibilia habent sui speciem generare, manifeste proclamant, quod in illis tanquam in speculis videri potest aeterna generatio Verbi, Imaginis et Filii a Deo Patre aeternaliter emanantis.

8. Secundum hunc modum species *delectans* ut *speciosa, suavis et salubris* insinuat, quod in illa prima specie est prima *speciositas, suavitatis et salubritatis*, in qua est summa *proportionalitas* et aequalitas ad generantem; in qua est *virtus*, non per phantasma, sed per veritatem apprehensionis illabens; in qua est *impressio* salvans et sufficiens et omnem apprehenditis indigentiam expellens. Si ergo « delectatio est coniunctio convenientis cum conveniente⁷ »; et solius Dei similitudo tenet rationem summe speciosi, suavis et salubris; et unitur secundum *veritatem* et secundum *intimitatem* et secundum *plenitudinem* repletam omnem capacitatem; manifeste videri potest, quod in solo Deo est fontalis et vera *delectatio*, et quod ad ipsam ex omnibus delectationibus manuducimur requirendam.

9. Excellentiori autem modo et immediatiori *di- iudicatio* ducit nos in aeternam veritatem certius speculandam. Si enim diiudicatio habet fieri per rationem *abstrahentem* a loco, tempore et mutabilitate, ac per hoc a dimensione, successione et transmutatione, per rationem *inmutabilem* et *incircumscripibilem* et *interminabilem*⁸; nihil autem est omnino *inmutabile, incircumscripibile et interminabile*, nisi quod est aeternum; omne autem quod est aeter-

¹ Duplex haec definitio multitudinis est secundum August., VI. de Musica, c. 43. n. 38. (cfr. tom. I. pag. 544, nota 8.) et XXII. de Civ. Dei, c. 49. n. 2, ubi pro *quidam partium situs* substituitur *partium congruentia* (cfr. tom. IV. pag. 4025, nota 3.).

² Vide Aristot., II. de Anima, text. 423. 443. et III. text. 7. (II. c. 12. et III. c. 2. et 4.). — Nox post *attenditur* edd. repetunt *proportionalitas*, et inferius post *Et sic addunt apparet, quomodo*.

³ Edd., excepta 4, *exteriorem*. Secundum modum loquendi Scholasticorum duplex haec lectio approbatur; cfr. Ioan. de Rupella, Sum. de Anima, p. II. c. 18. et 23; Centiloq. (inter opera Bonav.) p. III. sect. 21: Apprehensiva [vis sensibilis] dividitur in sensum particularem et sensum communem, sive in sensum exteriorum et interiorum.

⁴ O P *et ideo spiritualis*. — Hoc exponit August., de Vera Relig. c. 30. n. 56. seqq., ex quo quaedam supra pag. 17, nota 3. allata sunt. — Inferius Vat. et recentiores edd. perperam de- putando pro *depurando*; ante *sensuum* edd. addunt *quinq.*

⁵ Edd. deducat.

⁶ Col. 4, 15. et Hebr. 1, 3. Cum Vulgata et melioribus codd. omisimus et *similitudo* post *imago*. — Dicitio inferius posita unitur *individuo rationalis naturae* explicatur III. Sent. d. 10. a. 1. q. 3. — Pro *species corporali organo* A *species corporis* [H K L M P *corporalis*] organo. Cfr. I. Sent. d. 27. p. II. q. 4.

⁷ Cfr. supra pag. 300, nota 7. — August., de Vera Relig. c. 48. n. 35. seq. et c. 43. n. 81, 83 Qq. q. 23. de similitudine Patris i. e. de Filio Dei, loquens ait: Ipsa est enim species prima, qua sunt, ut ita dicam, specietate, et forma, qua formata sunt omnia. Vide etiam supra pag. 12, nota 7. et pag. 33, nota 5. — Inferius post *vera delectatio* C quaedam addit, quorum summa est: si tanta est dulcedo in creatura, quanta erit in ipso Creatore, ad quam, cum ipsam nondum videamus, ex omnibus delectationibus manuducimur requirendam.

⁸ Codd. communissime substitunt et *incorruptibilem*, et mox maior pars eorum omittit *incircumscripibile et interminabile*, et aliquanto inferius *indivisiibiliter, incommutabiliter, incorruptibiliter, interminabiliter*.

num, est Deus, vel in Deo: si ergo omnia, quaecumque certius diiudicamus, per huiusmodi rationem diiudicamus; patet, quod ipse est *ratio omnium rerum et regula infallibilis et lux veritatis*, in qua cuncta relucet infallibiliter, indelebiliter, indubitanter, irrefragabiliter, indiudicabiliter, incommutabiliter, incoercibiliter, interminabiliter, indivisibiliter et intellectualiter. Et ideo leges illae, per quas iudicamus certitudinaliter de omnibus sensibilibus, in nostram considerationem venientibus; cum sint infallibiles et indubitabiles *intellectui apprehendentis*, sint indelebiles a *memoria recolentis* tanquam semper praesentes, sint irrefragabiles et indiudicabiles *intellectui iudicantis*, quia, ut dicit Augustinus¹, « nullus de eis indicat, sed per illas: necesse est, eas esse incommutabiles et incorruptibiles tanquam necessarias, incoercibiles tanquam incircumscriptas, interminabiles tanquam aeternas, ac per hoc indivisibiles tanquam intellectuales et incorporeas, non factas, sed increatas, aeternaliter existentes in arte aeterna, a qua, per quam et secundum quam formantur formosa omnia; et ideo nec certitudinaliter iudicari possunt nisi per illam quae non tantum fuit forma cuncta *producens*, verum etiam cuncta *conservans* et *distinguens*, tanquam ens in omnibus formam tenens et regula dirigens, et per quam diiudicat mens nostra cuncta, quae per sensum intrant in ipsam².

10. Haec autem speculatio *dilatatur* secundum considerationem septem differentiarum *numeriorum*, quibus quasi septem gradibus conscenditur in Deum, secundum quod ostendit Augustinus in libro de Vera Religione et in sexto Musicae³, ubi assignat differentias *numeriorum* gradatim conscendendum ab his sensibilibus usque ad Opificem omnium, ut in omnibus videatur Deus.

Dicit enim, numeros esse in corporibus et maxime in sonis et vocibus, et hos vocat *sonantes*; numeros ab his abstractos et in sensibus nostris receptos, et hos vocat *occurrentes*; numeros ab anima procedentes in corpus, sicut patet in gesticulationibus et saltationibus, et hos vocat *progressores*; numeros in delectationibus sensuum ex conversione intentionis super speciem receptam, et hos vocat *sen-*

suales; numeros in memoria retentos, et hos vocat *memoriales*; numeros etiam, per quos de his omnibus indicamus, et hos vocat *iudiciales*, qui, ut dictum est, necessario sunt supra mentem tanquam infallibiles et indiudicabiles. Ab his autem imprimuntur mentibus nostris numeri *artificiales*, quos tamen inter illos gradus non enumerat Augustinus, quia connexi sunt *iudicialibus*; et ab his manant numeri *progressores*, ex quibus creantur⁴ numerosae formae *artificiatorum*, ut a summis per media ordinatus fiat descensus ad infima. Ad hos etiam gradatim ascendimus a numeris *sonantibus*, mediantibus *occurrentibus*, *sensualibus* et *memorialibus*.

Cum igitur omnia sint *pulchra* et quodam modo *delectabilia*; et *pulchritudo* et *delectatio* non sint absque *proportione*; et *proportio* primo sit in numeris: necesse est, omnia esse numerosa; ac per hoc « numerus est praecipuum in animo Conditoris exemplar⁵ » et in rebus praecipuum vestigium ducens in Sapientiam. Quod cum sit omnibus evidentissimum et Deo propinquissimum, propinquissime quasi per septem differentias ducit in Deum et facit, cum cognosci in cunctis corporalibus et sensibilibus, dum numerosa *apprehendimus*, in numerosis proportionibus *delectamur* et per numerosarum proportionum leges irrefragabiliter *iudicamus*.

11. Ex his duobus gradibus primis, quibus manducimur ad speculandum Deum in vestigiis quasi ad modum duarum alarum descendendum circa pedes⁶, colligere possumus, quod omnes creaturae istius sensibili mundi animum contemplantis et sapientis ducunt in Deum aeternum, pro eo quod illius primi principii potentissimi, sapientissimi et optimi, illius aeternae originis, lucis et plenitudinis, illius, inquam, artis efficientis, exemplantis et ordinantis sunt *umbrae*, *resonantiae* et *picturae*, sunt *vestigia*, *simulacra* et *spectacula* nobis ad contuendum⁷ Deum proposita et *signa* divinitus data; quae, inquam, sunt *exemplaria* vel potius *exemplata*, proposita mentibus adhuc rudibus et sensibilibus, ut per sensibilia, quae vident, transferantur ad intelligibilia, quae non vident, tanquam per signa ad signata.

12. Significat autem huiusmodi creaturae huius mundi sensibilibus *invisibilia Dei*⁸, partim quia Deus

Deos ratio
omnium, re-
gula, lux.

De legibus
et intellectus
nostri no-
tandum.

Dilatatur
consideratio
secundum
differentias
numeriorum.

Septem spe-
cies nume-
rorum.

Notandum.

Omnia sunt
numerosa.

Numerus ducit
in Deum.

Epilogus
ad 1. et 2.
gradum.

Quid sint
creaturae.

Notandum.

Quadruplici
modo sint
signa.

¹ Libr. II. de Lib. Arb. c. 14. n. 38. (cfr. supra pag. 17, nota 4.) et de Vera Relig. c. 31. n. 58. (cfr. tom. I. pag. 69, nota 12.). — Inferius plures codd. omittunt verba *aeternaliter existentes usque ad et ideo*. Vat. cum 3, 4 pro *formosa omnia* substituit *speciosa omnia vel formosa*.

² Fusius haec ostenduntur supra Quaest. de scientia Christi, q. 4. — Post *regula dirigens* non pauci codd. omittunt et.

³ Per totum. De Vera Relig. tangitur res c. 40-44. n. 74-82. Cfr. II. de Lib. Arb. c. 8. n. 20-25. et c. 16. n. 41. seqq. — Superius post *Haec autem* plures codd. prosequuntur *consideratio dilatatur secundum septem differentias spiritualium numerorum, quibus per gradus conscenditur in Deum*.

⁴ Et *Q* causantur, *A* procreantur vel *causantur*. Inferius pro *ascendimus* Val., 3 et 4 *ascendamus*, et voci *sensualibus* [multi codd. *sensibilibus*] *Q* praemittit *progressoribus*.

⁵ Ut dicit Boeth. supra pag. 11, nota 6. allegatus. Cfr. etiam pag. 221, nota 3. — Inferius maior pars codd. omittit *propinquissime*, et substituit *agnosci pro cognosci*. Voci *numeros* praemisimus in cum BDIP, alii plures et in; utrumque deest in edd.

⁶ Respicitur Isai. 6, 2, ubi de Seraphim dicitur, quod alii « duabus velabant pedes eius ». — Post *alarum* I addit *Che- rubin*.

⁷ D F K L M *contemplandum*. Subinde pro *exempla* ex C substituitur *exemplaria*; pro *transferantur* A *transant* (plures codd. male *transformantur*).

⁸ Respicitur Rom. 1, 20. Vide paulo inferius n. 13. — De seqq. cfr. Brevisloq. p. I. c. 5; p. II. c. 1. et p. VI. c. 1. seq. De ministerio Angelorum in apparitione vide I. Sent. d. 46, q. 1. in corp. et II. Sent. d. 10, a. 3, q. 2. ad 6.

est omnis creaturae origo, exemplar et finis, et omnis effectus est signum causae, et exemplatum exemplaris, et via finis, ad quem ducit; partim ex propria representatione; partim ex prophetica praefiguratione; partim ex angelica operatione; partim ex superaddita institutione. Omnis enim creatura ex natura est illius aeternae sapientiae quaedam effigies et similitudo, sed specialiter illa quae in libro Scripturae per spiritum prophetiae assumpta est ad spiritualium praefigurationem; specialius autem illae creaturae, in quarum effigie Deus angelico ministerio voluit apparere; specialissime vero ea quam¹ voluit ad significandum instituere, quae tenet non solum rationem signi secundum nomen commune, verum etiam Sacramenti.

13. Ex quibus omnibus colligitur, quod invisibilium Dei a creatura mundi, per ea quae facta sunt intellecta, conspiciuntur; ita ut qui nolunt ista advertere et Deum in his omnibus cognoscere, benedicere et amare inexcusabiles sint², dum nolunt transferri de tenebris in admirabile lumen Dei. Deo autem gratias per Iesum Christum, Dominum nostrum, qui nos de tenebris transtulit in admirabile lumen suum, dum per haec lumina exterius data ad speculum mentis nostrae, in quo relucet divina, disponimur ad reintrandum.

CAP. III.

De speculatione Dei per suam imaginem naturalibus potentiis insignitam.

1. Quoniam autem duo gradus praedicti, duccendo nos in Deum per vestigia sua, per quae in cunctis creaturis relucet, manduxerunt nos usque ad hoc, ut ad nos reintraremus, in mentem scilicet nostram, in qua divina relucet imago; hinc est, quod iam tertio loco, ad nosmetipsos intrantes et quasi atrium forinsecus relinquentes, in sanctis³, scilicet anteriori parte tabernaculi, conari debemus per speculum videre Deum; ubi ad modum candelabri re-

lucet lux veritatis in facie nostrae mentis, in qua scilicet resplendet imago beatissimae Trinitatis.

Intra igitur ad te et vide, quoniam mens tua amat ferventissime semetipsam; nec se posset amare, nisi se nosset; nec se nosset, nisi sui meminisset, quia nihil capimus per intelligentiam, quod non sit praesens apud nostram memoriam; et ex hoc advertitis, animam tuam triplicem habere potentiam, non oculo carnis, sed oculo rationis⁴. Considera igitur harum trium potentialium operationes et habitudines, et videre poteris Deum per te tanquam per imaginem, quod est videre per speculum in aenigmate.

2. Operatio autem memoriae est retentio et representatio non solum praesentium, corporalium et temporalium, verum etiam succedentium, simplicium et sempiternalium. — Retinet namque memoria praeterita per recordationem, praesentia per susceptionem, futura per praevisionem. — Retinet etiam simplicia, sicut principia quantitatum continuarum et discretarum⁵, ut punctum, instans et unitatem, sine quibus impossibile est meminisse aut cogitare ea quae principiantur per haec. — Retinet nihilominus scientiarum principia et dignitates ut sempiternalia et sempiternaliter, quia nunquam potest sic oblivisci eorum, dum ratione utatur, quin ea audita approbet et eis assentiat, non tanquam de novo percipiat, sed tanquam sibi innata et familiaria recognoscat; sicut patet, si proponatur alicui: « De quolibet affirmatio, vel negatio »; vel: « Omne totum est maius sua parte », vel quaecunque alia dignitas, cui non est contradicere « ad interius rationem »⁶.

Ex prima igitur retentione actuali omnium temporalium, praeteritorum scilicet, praesentium et futurorum, habet eligiem aeternitatis, cuius praesens indivisibile ad omnia tempora se extendit. — Ex secunda apparet, quod ipsa non solum habet ab exteriori formari per phantasmatum, verum etiam a superiori suscipiendo et in se habendo simplices formas, quae non possunt introire per portas sensuum et sensibilibus phantasias⁷. — Ex tertia habetur,

¹ Codd. A B I L M N quae.

² Rom. 1, 20. — Seq. textus est I. Cor. 15, 57; tertius I. Petr. 2, 9, ubi pro transtulit Vulgata vocat. — Pro cognoscere plures codd. agnoscere.

³ Cfr. Exod. 26, ubi describitur tabernaculum Moysaicum; v. 34, et 35, mendo filii sancti sanctorum et candelabri. — Ps. 4, 7: Signatum est super nos lumen vultus tui, Domine. Gregor., X. Moral. c. 15, n. 27: Interna quippe facies hominis mens est, in qua nimirum recognoscimur, ut ab auctore nostro diligamur.

⁴ Cfr. August., IX, et X. de Trin. (vide I. Sent. d. 3. p. II.). — De oculo carnis et rationis cfr. supra Breviloq. p. II. c. 13, in fine. — Inferius allegatur I. Cor. 13, 12. — Superius pro ad te plures codd. in te, 1 et 2 ad te et in te. Subinde pro quoniam A quantum, D G quo modo, et pro intelligentiam G M intellectum.

⁵ Vide Aristot., de Praedicam. c. de Quanto, ubi quantitati continuae annumeratur linea, superficies, corpus, locus et tempus; discretarum numerus et oratio. — Quomodo memoriae

sit praevio futurorum, exponit August., XV. de Trin. c. 7. n. 13: Nec ex futuris praeterita, sed futura ex praeteritis, non tamen firma cognitione conciliamus... Ut praevideamus, non providentia nos instruit, sed memoria etc. — Inferius pro dum ratione add. et aliquot codd. dummodo ratione.

⁶ Ut ait Aristot., I. Poster. c. 8. (c. 10.), huic dictioni opponendo alteram, scil. « ad exterius orationem (πρὸς τὸν ἔξω λόγον) », contra quam licet semper instantiam ferre (cfr. tom. I. pag. 153, nota 10.). Vat., 3, 4 cum pluribus codd. admittit ratione. — Prima dignitas: de quolibet affirmatio etc., exhibetur ab Aristot., IV. Metaph. text. 15. (III. c. 4.); secunda colligitur ex V. Metaph. text. 30, seq. (IV. c. 25, seq.). — Per verba superiora posita: « quin ea audita approbet » etc., respicitur a Boethio data et supra pag. 79, nota 6. allata definitio communis animi conceptionis, qualis secundum Euclid., I. Geomet., est: Omne totum est maius sua parte (n. 9.).

⁷ Cfr. II. Sent. d. 39. a. 1. q. 2. in fine et IV. d. 49. p. I. q. 2. ad 4-3. — De seq. propositione vide supra Quaest. de scientia Christi, q. 4.

Tres actus et potentiae.

Operationes et habitudines considerandae in potentiis.

De operationibus. De triplici operatione memoriae.

Notandum.

Inde tripliciter apparet animi ut imago Dei.

Notandum. quod ipsa habet lucem incommutabilem sibi praesentem, in qua nemini invariabilem veritatem. — Et sic per operationes memoriae apparet, quod ipsa anima est imago Dei et similitudo adeo sibi praesens et eum habens praesentem, quod eum actu capit et per potentiam « capax eius est et particeps esse potest ».

De triplici operatione intellectus. Intellectus terminorum. — Caput autem intellectus terminorum significata, cum comprehendit, quid est unumquodque per definitionem. Sed definitio habet fieri per superiora, et illa per superiora definiri habent, usquequo veniatur ad suprema et generalissima, quibus ignoratis, non possunt intelligi definitivè inferiora². Nisi igitur cognoscatur, quid est *ens per se*, non potest *plene* sciri definitio alicuius specialis substantiae. Nec *ens per se* cognosci potest, nisi cognoscatur cum suis conditionibus, quae sunt: *unum, verum, bonum*. Ens autem, cum possit cogitari ut *diminutum* et ut *completum*, ut *imperfectum* et ut *perfectum*, ut *ens in potentia* et ut *ens in actu*, ut *ens secundum quid* et ut *ens simpliciter*, ut *ens in parte* et ut *ens totaliter*, ut *ens transiens* et ut *ens manens*, ut *ens per aliud* et ut *ens per se*, ut *ens permixtum* non-enti et ut *ens purum*, ut *ens dependens* et ut *ens absolutum*, ut *ens posterius* et ut *ens prius*, ut *ens mutabile* et ut *ens immutabile*, ut *ens simplex* et ut *ens compositum*: cum « privationes et defectus nullatenus possint cognosci nisi per positiones »³, non venit intellectus noster ut *plene resolvens* intellectum alicuius entium creatorum, nisi *invenitur* ab intellectu entis purissimi, actualissimi, completissimi et absoluti; quod est *ens simpliciter* et *aeternum*, in quo sunt rationes omnium in sua puritate. Quomodo autem sciret intellectus, hoc esse ens defectivum et incompletum, si nullam haberet cognitionem entis absque omni defectu? Et sic de aliis conditionibus praelibatis.

Conditiones 12 entis.

Plena resolutio terminorum dicitur ad Deum.

Intellectum autem *propositionum* tunc intellectus dicitur veraciter comprehendere, cum certitudinaliter scit, illas veras esse; et hoc scire est scire,

Intellectus propositionum.

quoniam non potest falli in illa comprehensione. Scit enim, quod veritas illa non potest aliter se habere; Notandum. scit igitur, illam veritatem esse incommutabilem. Sed cum ipsa mens nostra sit commutabilis, illam sic incommutabiliter relucens non potest videre nisi per aliquam lucem omnino incommutabiliter radiantem, quam impossibile est esse creaturam mutabilem. Scit igitur in illa luce, quae illuminat omnem hominem venientem in hunc mundum, quae est lux vera et Verbum in principio apud Deum⁴.

Intellectum vero *illationis* tunc veraciter percipit noster intellectus, quando videt, quod conclusio necessario sequitur ex praemissis; quod non solum videt in terminis necessariis, verum etiam in contingentibus, ut: si homo currit, homo movetur. Hanc autem necessariam habitudinem percipit non solum in rebus entibus, verum etiam in non-entibus. Sicut enim, homine existente, sequitur: si homo currit, homo movetur; sic etiam, non existente. Huiusmodi igitur *illationis necessitas* non venit ab existentia rei in materia, quia est contingens, nec ab existentia rei in anima, quia tunc esset fictio, si non esset in re: venit igitur ab exemplaritate in arte aeterna, secundum quam res habent aptitudinem et habitudinem ad invicem secundum illius aeternae artis *repraesentationem*. Omnis igitur, ut dicit Augustinus de Vera Religione⁵, *vere ratiocinantis* lumen accenditur ab illa veritate et ad ipsam nititur pervenire. — Ex quo manifeste apparet, quod coniunctus sit intellectus noster ipsi aeternae veritati, dum non nisi per illam decentem nihil verum potest certitudinaliter capere. Videre igitur per te potes veritatem, quae te docet, si te concupiscentiae et phantasmata non impendant et se tanquam nubes inter te et veritatis radium non interponant.

Intellectus illationis.

Notandum.

Conclusio.

4. Operatio autem virtutis *electivae* attenditur in consilio, iudicio et desiderio. — Consilium autem est in inquirendo, quid sit melius, hoc an illud. Sed melius non dicitur nisi per accessum ad optimum; accessus autem est secundum maiorem assimilationem⁶; nullus ergo scit, utrum hoc sit illi melius, nisi sciat, illud optimo magis assimilari. Nullus autem

De triplici operatione electivae.

Consilium.

¹ August. XIV. de Trin. c. 8. n. 11.

² Secundum Aristot. VI. Topic. c. 3. (c. 4.). Cfr. etiam Porphyrii, de Praedicab. c. de Specie, ex quo supra pag. 71, nota 3. quaedam allata sunt. — De conditionibus entis vide supra pag. 215, nota 1.

³ Averroes, in III. de Anima, text. 25: Et universaliter omnes privationes non cognoscuntur nisi per contraria, scilicet per cognitionem habitus et per cognitionem defectus habitus. Cfr. tom. III. pag. 802, nota 8. et supra pag. 19, nota 8. — De rationibus rerum in Deo agitur supra Quaest. de scientia Christi, q. 2. seq. — Multi codd., 1 et 2 positionem.

⁴ Ioan. 1, 1. et 9. Vide supra Quaest. de scientia Christi, q. 4. — Pro in illa luce D G H K L M N illam lucem. Vocibus aliquam lucem edd. interserunt aliam.

⁵ Cap. 39. n. 72: Noli foras ire, in te ipsum redi, in interiore homine habitat veritas; et si tuam naturam mutabilem inveneris, transcede et te ipsum. Sed memento, cum te tran-

scendis, ratiocinantem animam te transcendere. Illic ergo tende, unde ipsum lumen rationis accenditur. Quo enim pervenit omnis hominis ratiocinator nisi ad veritatem? cum ad se ipsam veritas non utique ratiocinando perveniat, sed quod ratiocinantes appetunt ipsa sit (Pro Omnis D F G H K L M Omne, et pro eere ratiocinantis D F G M verae rationis). — Haec de triplici operatione virtutis intellectivae doctrina refertur quasi ad verbum a Fr. Matthaeo ab Aquasparta, Quaest. prima disputata in corp. a nobis edita in opusculo: de Humanae Cognitionis ratione (pag. 98 seq.); ubi notanda sunt quae ibid. praemittuntur contra ontologismum. — Superius pro qua est et quia tunc non pauci codd. quae est et quae tunc.

⁶ Aristot., IV. Metaph. text. 18. (III. c. 4.): Ipsum magis et minus inest omnino naturae... Si igitur quod magis est propinquius est, profecto erit aliquid verum, cui propinquius est quod magis verum est.

scit, aliquid alii magis assimilari, nisi illud cognoscat; non enim scio, hunc esse similem Petro, nisi sciam vel cognoscam Petrum: omni igitur *consilienti* necessario est impressa notio summi boni¹.

Iudicium. *Iudicium* autem certum de consiliabilibus est per aliquam legem. Nullus autem certitudinaliter indicat per legem, nisi certus sit, quod illa lex recta est, et quod ipsam iudicare non debet; sed mens nostra indicat de se ipsa: cum igitur non possit iudicare de lege, per quam indicat; lex illa superior est mente nostra, et per hanc indicat, secundum quod sibi impressa est. Nihil autem est superius mente humana, nisi solus ille qui fecit eam²: igitur in iudicando *deliberativum* nostra pertingit ad divinas leges, si *plena resolutione* dissolvat.

Desiderium. *Desiderium* autem principaliter est illius quod maxime ipsum movet. Maxime autem movet quod maxime amatur; maxime autem amatur esse beatum; beatum autem esse non habetur nisi per optimum et finem ultimum: nihil igitur appetit humanum *desiderium* nisi quia summum bonum, vel quia est ad illud, vel quia habet aliquam effigiem illius. Tanta est vis summi boni, ut nihil nisi per illius desiderium a creatura possit amari, quae tunc fallitur et errat, cum effigiem et simulacrum pro veritate acceptat³.

Conclusio. Vide igitur, quomodo anima Deo est propinqua, et quomodo memoria in aeternitatem, intelligentia in veritatem, electiva potentia ducit in bonitatem summam secundum operationes suas.

De habitudinibus potentiarum. 5. Secundum autem harum potentiarum *ordinem* et *originem* et *habitudinem* ducit in ipsam beatissimam Trinitatem. — Nam ex memoria *oritur* intelligentia ut ipsius proles, quia tunc intelligimus, cum similitudo, quae est in memoria, resultat in acie intellectus, quae nihil aliud est quam verbum; ex memoria et intelligentia spiratur amor tanquam nexus amorum. Haec tria, scilicet *mens generans*, *verbum* et *amor*, sunt in anima quoad memoriam, intelligentiam et voluntatem, quae sunt consubstantiales, coaequales et coevae, se invicem circumcedentes⁴. Si igitur Deus perfectus est spiritus, habet *memoriam*, *intelligentiam* et *voluntatem*, habet et *Verbum* genitum et *Amorem* spiratum, qui necessario distinguuntur, cum unus ab altero produ-

catur, non *essentialiter*, non *accidentaliter*, ergo *personaliter*.

Dum igitur mens se ipsam considerat, per se tanquam per speculum consurgit ad speculandam Trinitatem beatam, Patris, Verbi et Amoris, trium personarum coaeternarum, coaequalium et consubstantialium, ita quod quilibet in quolibet est aliorum, unus tamen non est alius, sed ipsi tres sunt unus Deus.

6. Ad hanc speculationem, quam habet anima de suo principio trino et uno per trinitatem suarum potentiarum, per quas est imago Dei, *invenitur* per lumina scientiarum, quae ipsam perficiunt et informant et Trinitatem beatissimam tripliciter repraesentant. — Nam omnis philosophia aut est *naturalis*, aut *rationalis*, aut *moralis*. Prima agit de causa essendi, et ideo ducit in *potentiam Patris*; secunda de ratione intelligendi, et ideo ducit in *sapientiam Verbi*; tertia de ordine vivendi, et ideo ducit in *bonitatem Spiritus sancti*⁵.

Rursus, *prima* dividitur in metaphysicam, mathematicam et physicam. Et prima est de rerum essentis, secunda de numeris et figuris, tertia de naturis, virtutibus et operationibus diffusivis. Et ideo prima in *primum principium*, *Patrem*, secunda in eius *imaginem*, *Filium*, tertia ducit in *Spiritus sancti domum*.

Secunda dividitur in grammaticam, quae facit potentes ad exprinendum; in logicam, quae facit perspicaces ad arguendum; in rhetoricam, quae facit habiles ad persuadendum sive movendum. Et hoc similiter insinuat mysterium ipsius beatissimae Trinitatis.

Tertia dividitur in monasticam, oeconomicam et politicam. Et ideo prima insinuat *primum principium innascibilitatem*, secunda *Filii familiaritatem*, tertia *Spiritus sancti liberalitatem*.

7. Omnes autem hae scientiae habent regulas certas et infallibiles tanquam lumina et radios descendentes a lege aeterna in mentem nostram. Et ideo mens nostra tantis splendoribus irradiata et superfusa, nisi sit caeca, manuduci potest per semetipsam ad contemplandam illam lucem aeternam. Huius autem lucis irradiatio et consideratio sapientes suspendit in admirationem et econtra insipientes, qui non

¹ August., VII. de Trin., c. 3. n. 4: Bonum hoc et bonum illud, tolle hoc et illud et vide ipsum bonum, si potes; ita Deum videlis, non alio bono bonum, sed bonum omnis boni. Neque enim in his omnibus bonis... diceremus aliud alio melius, cum vere iudicamus, nisi esset nobis impressa notio ipsius boni, secundum quod et probaremus aliquid et aliud illi praeponeremus. — Pro notio Vat., 3 et 4 notitia.

² Secundum August. loc. superius pag. 302, nota 1. allegatis. — Mox pro *deliberativa* HK L *deliberate mens*.

³ Haec ratio exponitur a Boetio, III. de Consol. per totum. Cfr. August., II. de Lib. Arb. c. 9. n. 26, et Aristot., I. Ethic. c. 4. seqq. — Superius pro *igitur*, quod DGM omittunt, A

S. Bonav. — Tom. V.

enim, edd. autem; deinde post *nisi* supplevimus ex ABCEP quia, pro quo BFGHLMN propter.

⁴ Vide I. Sent. lit. Magistri, d. III. c. 2. seq., ubi loci ex Augustino allati sunt; cfr. ibid. Comment. p. II. et supra Brevis. p. II. c. 42. — DFGHLMN se invicem non excedentes (de circumnessione cfr. I. Sent. d. 49. p. 1. q. 4.). Mox post *spiritus* DFHIN addunt qui, L quia.

⁵ Vide supra pag. 19, nota 7. verba Augustini. — De divisione philosophiae cfr. infra opusculum de Reductione aeternum ad theologiam. — Superius pro *per quas* est imago Dei FGHKLMN *per quas imago Dei exprimitur*; subinde plures codd., inter quos BP, omittunt ducit secunda et tertia vice.

creduat, ut intelligant, ducit in perturbationem, ut impleatur illud propheticum¹: *Illuminans tu mirabiliter a montibus aeternis, turbati sunt omnes insipientes corde.*

CAP. IV.

De speculatione Dei in sua imagine donis gratuitis reformata.

1. Sed quoniam non solum *per nos* transeundo, verum etiam *in nobis* contingit contemplari primum principium; et hoc maius est quam praecedens: ideo hic modus considerandi quantum obtinet contemplationis gradum. Mirum autem videtur, cum ostensum sit², quod Deus sit ita propinquus mentibus nostris, quod tam paucorum est in se ipsis primum principium speculari. Sed ratio est in promptu, quia mens humana, sollicitudinibus distracta, non intrat ad se per *memoriam*; phantasmatibus obnubilata, non redit ad se per *intelligentiam*; concupiscentiis illecta, ad se ipsam nequaquam revertitur per *desiderium* suavitatis internae et laetitiae spiritualis. Ideo totaliter in his sensibilibus iacens, non potest ad se tanquam ad Dei imaginem reintrare.

2. Et quoniam, ubi quis ceciderit, necesse habet ibidem recumbere, nisi apponat quis et *adiuvet*, ut *resurgat*³; non potuit anima nostra perfecte ab his sensibilibus relevari ad contuitum sui et aeternae Veritatis in se ipsa, nisi Veritas, assumpta forma humana in Christo, fieret sibi scala reparans priorem scalam, quae fracta fuerat in Adam.

Ideo, quantumcumque sit illuminatus quis lumine naturae et scientiae acquisitae, non potest intrare in se, ut in se ipso *delectetur in Domino*, nisi mediante Christo, qui dicit⁴: *Ego sum ostium*. Per me *si quis introierit, salvabitur et ingredietur et egredietur et pascua inveniet*. Ad hoc autem ostium non appropinquamus, nisi in ipsum *crelamus, speremus et amemus*. Necesse est igitur, si reintrare volumus ad fruitionem Veritatis tanquam

ad paradisum, quod ingrediamur per *fidem, spem et caritatem* mediatoris Dei et hominum Iesu Christi, qui est tanquam *lignum vitae in medio paradisi*.

3. Supervestienda est igitur imago mentis nostrae tribus virtutibus theologicis, quibus anima *purificatur, illuminatur et perficitur*, et sic imago reformatur et conformis supernae Ierusalem efficitur et pars Ecclesiae militantis, quae est proles, secundum Apostolum, Ierusalem caelestis. Ait enim⁵: *Illa quae sursum est Ierusalem libera est, quae est mater nostra*. — Anima igitur credens, sperans et amans Iesum Christum, qui est Verbum *incarnatum, increatum et inspiratum*, scilicet *via, veritas et vita*; dum per *fidem* credit in Christum tanquam in Verbum *increatum*, quod est Verbum et splendor Patris⁶, recuperat spirituale *audium et visum*, *audium* ad suscipiendum Christi sermones, *visum* ad considerandum illius lucis splendores. Dum autem *spe* suspirat ad suscipiendum Verbum *inspiratum*, per desiderium et affectum recuperat spirituale *olfactum*. Dum *caritate* complectitur Verbum *incarnatum*, ut suscipiens ab ipso delectationem et ut transiens in illud per ecstaticum amorem, recuperat *gustum et tactum*. Quibus sensibus recuperatis, dum sponsum suum videt et audit, odoratur, gustat et amplexatur, decantare potest tanquam sponsa Canticum canticorum, quod factum fuit ad exercitum contemplationis secundum hunc quantum gradum, quem *nemo capit, nisi qui accipit*⁷, quia magis est in experientia affectuali quam in consideratione rationali. In hoc namque gradu, reparatis⁸ sensibus interioribus ad sentiendum summe pulcrum; audiendum summe harmonicum, odorandum summe odiferum, degustandum summe suave, apprehendendum summe delectabile, disponitur anima ad mentales excessus, scilicet per *devotionem, admirationem et exultationem*, secundum illas tres exclamationes, quae fiunt in Canticis canticorum. Quarum prima fit per abundantiam *devotionis*, per quam fit anima *sicut virgula fioni ex aromatis myrrhae et thuris*⁹; secunda per excellentiam *admirationis*, per

Effectus virtutum theologicarum.

Ipsae restitunt 5 sensus spirituales.

Canticum canticorum.

Excessus mentales tres.

¹ Psalm. 75, 5. seq. — Superius pro *ut intelligant* A *vel non intelligunt*; cfr. August., in Ioan. Evang. tr. 36. n. 7, ubi ostenditur, credendum esse, ut intelligatur, quia credendo homo fit idoneus ad intelligendum (Isai. 7, 9. secundum septuaginta interpretes: Nisi crederitis, non intelligetis).

² Cap. praeced. — De fundamentis huius cap. cfr. Breviloq. p. II. c. 10. et 12, ubi de anima, in quantum est Dei imago; p. V. c. 4, ubi de tribus virtutibus theologicis; ibid. c. 6. de sensibus spiritualibus; p. II. c. 8, ubi de triplici actu hierarchico et novem ordinibus Angelorum; Prolog. § 4, ubi de triplici intelligentia Scripturae. — Mox pro *quod tam paucorum est* non pauci recentiores codd. *tam paucos*.

³ Isai. 24, 20: Et corruet et non adiciet etc. Maior et melior pars codd. *ibidem incubere, ut resurgat* non tam apte, licet haec verba habeat August., de Vera Relig. c. 42. n. 79.

⁴ Ioan. 10, 9. — Ps. 36, 4: Delectare in Domino etc. — Inferius respicitur I. Tim. 2, 5: Unus et mediator Dei et hominum homo Christus Iesus. Gen. 2, 9, quod exponens Au-

gust., VIII. de Gen. ad lit. c. 5. n. 9, ait: Sic et Sapientia [Prov. 3, 18], idem ipse Christus, lignum vitae est in paradiso spirituali etc. Cfr. XIII. de Civ. Dei, c. 20. et XX. c. 26. n. 2. — Infra post *appropinquamus* plures codd. prosequuntur: *nisi in Christum credamus, in ipso speremus et cum amemus*.

⁵ Gal. 4, 26: Illa autem, quae etc. — Mox allegatur Ioan. 44, 6: — De triplici statu Verbi vide Breviloq. p. IV. c. 1. in fine. — Superius pro *purificatur A purgatur* (cfr. supra pag. 225, nota 6), et post *reformatur* Val. cum nonnullis eod. addit *reficitur*.

⁶ Cfr. Ioan. 4, 4. et Hebr. 1, 3. — Inferius pro *audium ad suscipiendum* maior pars codd. *audium suscipiendi*.

⁷ Apoc. 2, 17: Nemo scit, nisi etc.

⁸ Ita ABCDIP, eod. *recuperatis*; mox pro *videndum* ex multis codd. substitutum *sentiendum*, A *sentiendum vel videndum*, C *contundum*.

⁹ Cap. 3, 6. — Secundus loc. est ibid. 6, 9: Quae est ista, quae progreditur quasi aurora consurgens, pulchra ut luna,

quam fit anima sicut *aurora*, *luna* et *sol*, secundum processum illuminationum suspendentium animam ad admirandum sponsum consideratum; tertia per superabundantiam *exultationis*, per quam fit anima suavisimae delectationis *deliciis*. *affluens*, *innixa* totaliter *super dilectum suum*.

4. Quibus adeptis, efficitur spiritus noster *hierarchicus* ad conscendendum sursum secundum conformitatem ad illam Ierusalem supernam, in quam nemo intrat, nisi prius per gratiam ipsa in cor descendat, sicut vidit Ioannes in Apocalypsi sua¹. Tunc autem in cor descendit, quando per reformationem imaginis, per virtutes theologicas et per oblectationes spiritualium sensuum et suspensiones excessuum efficitur spiritus noster *hierarchicus*, scilicet purgatus, illuminatus et perfectus. — Sic etiam gradibus novem ordinum insignitur, dum ordinate in eo interius disponitur *nuntiatio*, *dictatio*, *ductio*, *ordinatio*, *roboratio*, *imperatio*, *susceptio*, *revelatio*, *unctio*², quae gradatim correspondent novem ordinibus Angelorum, ita quod primi trium praedictorum gradus respiciunt in mente humana *naturam*, tres sequentes *industriam*, et tres postremi *gratiam*. Quibus habitis, anima intrando in se ipsam, intrat in supernam Ierusalem, ubi ordines Angelorum considerans, videt in eis Deum, qui habitans in eis omnes eorum operatur operationes. Unde dicit Bernardus ad Eugenium³, quod « Deum in Seraphim amat ut caritas, in Cherubim novit ut veritas, in Thronis sedet ut aequitas, in Dominationibus dominatur ut maiestas, in Principatibus regit ut principium, in Potestatibus tuetur ut salus, in Virtutibus operatur ut virtus, in Archangelis revelat ut lux, in Angelis assistit ut pietas ». Ex quibus omnibus videtur *Deus omnia in omnibus*⁴ per contemplationem ipsius in mentibus, in quibus habitat per dona affluentissimae caritatis.

5. Ad huius autem speculationis gradum specialiter et praecipue adminiculatur consideratio sacrae *Scripturae* divinitus immissae, sicut philosophia ad praecedentem. Sacra enim Scriptura principaliter est de operibus reparationis. Unde et ipsa praecipue agit de fide, spe et caritate, per quas virtutes habet anima reformari, et specialissime de caritate. De qua dicit Apostolus⁵, quod *est finis praecepti*, secundum quod

est *de corde puro et conscientia bona et fide non ficta*. Ipsa est *plenitudo Legis*, ut dicit idem. Et Salvator noster asserit, totam Legem Prophetasque pendere in duobus praeceptis eiusdem, scilicet dilectione Dei et proximi; quae duo inuicem in uno sponso Ecclesiae lesu Christo, qui simul est proximus et Deus, simul frater et dominus, simul etiam rex et amicus, simul Verbum increatum et incarnatum, formator noster et reformator, ut *alpha* et *omega*⁶; qui etiam summus hierarcha est, purgans et illuminans et perficiens sponsam, scilicet totam Ecclesiam et quamlibet animam sanctam.

6. De hoc igitur hierarcha et ecclesiastica hierarchia est tota sacra Scriptura, per quam docemur purgari, illuminari et perfici, et hoc secundum triplicem *legem* in ea traditam, scilicet naturae, Scripturae et gratiae; vel potius secundum triplicem *partem eius principalem*, legem scilicet Moysaicaam purgantem, revelationem propheticaam illustrantem et eruditionem evangelicam perficientem⁷; vel potissimum secundum triplicem eius *intelligentiam spirituales: tropologicam*, quae purgat ad honestatem vitae; *allegoricam*, quae illuminat ad claritatem intelligentiae; *anagogicam*, quae perficit per excessus mentales et sapientiae perceptiones suavisimas, secundum *virtutes* praedictas tres theologicas et *sensus* spirituales reformatos et *excessus* tres supradictos et *actus mentis hierarchicos*, quibus ad interiora regreditur mens nostra, ut ibidem speculetur Deum *in splendoribus Sanctorum*⁸ et in eisdem tanquam in cubilibus *dormiat in pace et requiescat*, spacio adiurante, quod non excitetur, donec de eius voluntate procedat.

7. Ex his autem duobus gradibus mediis, per quos ingredimur ad contemplandum Deum *intra nos* tanquam in speculis imaginum creaturam, et hoc quasi ad modum alarum expansarum ad volandum, quae tenebant medium locum⁹, intelligere possumus, quod in divina manuducimur per ipsius animae rationalis potentias *naturaliter insitas* quantum ad earum *operationes*, *habitudines* et *habitus scientiales*; secundum quod apparet ex tertio gradu. — Manuducimur etiam per ipsius animae potentias *reformatas*, et hoc gratuitis *virtutibus*, *sensibus* spiritualibus et mentalibus *excessibus*; sicut patet ex

Duplex dilectio unitur in Christo.

Tota Scriptura est de Christo et Ecclesia.

Triplex lex, pars, intelligentia.

Epilogos ad 3. et 4. gradum.

electa ut sol. Tertius ibid. 8, 5. — Inferius pro *admirandum* plures codd., inter quos etiam *B*, *intrandum*. Subinde pro *consideratum* *B* desideratum.

¹ Cap. 21, 2: Et ego Ioannes vidi sanctam civitatem Ierusalem novam, descendentem de caelo a Deo etc.

² Vat., 3 et 4 cum aliquot codd. *unitio*, *M unio*; sed cfr. Dionys., de Eccles. Hierarch. c. 4, § 10. et coll. 22. in Hexaëon. *Nox pro trium primo* ex A I et 4 substituitur *primi trium*.

³ Sive V. de Considerat. c. 5. n. 12.

⁴ Epist. I. Cor. 15, 28.

⁵ Epist. I. Tim. 1, 5. — Seq. locus est Rom. 13, 10. Subinde respiciunt Matth. 22, 40: In his duobus mandatis universa Lex pendet et Prophetae.

⁶ Apoc. 1, 8; 21, 6. et 22, 13. — Cum plurimis et melioribus codd. ante *alpha* posuimus *ut*.

⁷ Cfr. Breviloq. Prolog. § 1. seq. — Pro *illustrantem* plures codd. *illuminantem*.

⁸ Psalm. 109, 3. — Subinde respiciunt Ps. 4, 9: In pace in idipsum dormiam et requiescam; et Cant. 2, 7: Adiuro vos, filiae Ierusalem... ne suscitatis neque evigilare faciatis dilectam, quoadusque ipsa velit.

⁹ Isai. 6, 2: Duabus [alīs] velabant facies eius et duabus velabant pedes eius et duabus volabant. — Nox pro *in divina* maior pars codd., 1 et 2 *in divinis*, BMN *divinis*, HKL *ad divina*.

Spiritus fit hierarchicus.

Fit particeps 9 ordinum Angelorum.

Confirmatur.

Dictatur et iuvatur haec speculatio per Scripturam.

quarto. Manuducimur nihilominus per *hierarchicas operationes*, scilicet purgationis, illuminationis et perfectionis mentium humanarum, per hierarchicas revelationes sacrarum Scripturarum nobis per Angelos datarum, secundum illud Apostoli, quod Lex data est per *Angelos in manu Mediatoris*¹. Et tandem manuducimur per *hierarchias et hierarchicos ordines*, qui in mente nostra disponi habent ad instar supernae Iherusalem.

Effectus
duorum gra-
dum.

Caritas
Christi.

Admonitio.

8. Quibus omnibus luminibus intellectualibus mens nostra repleta, a divina Sapientia tanquam domus Dei inhabitatur, effecta Dei filia, sponsa et amica; effecta Christi capitis membrum, soror et coheres; effecta nihilominus Spiritus sancti templum, fundatum per fidem, elevatum per spem et Deo dedicatum per mentis et corporis sanctitatem. Quod totum facit sincerissima caritas Christi, quae *diffunditur in cordibus nostris per Spiritum sanctum, qui datus est nobis*², sine quo Spiritum non possumus scire secreta Dei. Sicut enim *quae sunt hominis* nemo potest scire *nisi spiritus hominis, qui est in illo; ita et quae sunt Dei nemo scit nisi spiritus Dei*. — In caritate igitur radicemur et fundemur, ut possimus comprehendere cum omnibus Sanctis, quae sit longitudo aeternitatis, quae latitudo liberalitatis, quae sublimitas maiestatis et quod profundum sapientiae iudicantis.

CAP. V.

De speculatione divinae unitatis per eius nomen primum, quod est esse.

1. Quoniam autem contingit contemplari Deum non solum *extra nos et intra nos*, verum etiam *supra nos: extra* per vestigium, *intra* per imaginem et *supra* per lumen, quod est signatum supra mentem nostram³, quod est lumen Veritatis aeternae, cum « ipsa mens nostra immediate ab ipsa Veritate formetur »; qui exercitati sunt in primo modo intraverunt iam in *atrium* ante tabernaculum; qui vero in secundo, intraverunt in *sancta*; qui autem

in tertio, *herant* cum summo Pontifice in *sancta sanctorum*; ubi supra arcam sunt Cherubim gloriae obumbrantia propitiatorium; per quae intelligimus duos modos seu gradus contemplandi Dei invisibilia et aeterna, quorum unus versatur circa essentialia Dei, alius vero circa propria personarum.

Quid 2 Cherubim.

2. Primus modus primo et principaliter defigit aspectum in ipsum *esse*, dicens, quod *qui est*⁴ est primum nomen Dei. Secundus modus defigit aspectum in ipsum *bonum*, dicens, hoc esse primum nomen Dei. Primum spectat potissime ad *vetus testamentum*, quod maxime praedicat divinae essentiae unitatem; unde dictum est Moysi⁵: *Ego sum qui sum*; secundum ad *novum*, quod determinat personarum pluralitatem, baptizando in nomine *Patris et Filii et Spiritus sancti*. Ideo magister noster Christus, volens adolescentem, qui servaverat Legem, ad evangelicam levare perfectionem, nomen *bonitatis* Deo principaliter et praecise attribuit. *Nemo*, inquit, *bonus nisi solus Deus*. Damascenus⁶ igitur sequens Moysen dicit, quod *qui est* est primum nomen Dei; Dionysius sequens Christum dicit, quod *bonum* est primum nomen Dei.

Esse est primum Dei nomen, bonum vero secundum.

3. Voleus igitur contemplari Dei invisibilia quoad *essentiae unitatem* primo delingat aspectum in ipsum *esse*⁷ et videat, ipsum esse adeo in se *certissimum*, quod non potest cogitari non esse, quia ipsum *esse purissimum* non occurrit nisi in plena fuga *non-esse*, sicut et *nihil* in plena fuga *esse*. Sicut igitur *omnino nihil* nihil habet de *esse* nec de eius conditionibus; sic econtra ipsum *esse* nihil habet de *non-esse*, nec actu nec potentia, nec secundum veritatem rei nec secundum aestimationem nostram. Cum autem *non-esse* privatio sit essendi, non cadit in intellectum nisi per *esse*⁸; *esse* autem non cadit per aliud, quia omne, quod intelligitur, aut intelligitur ut *non ens*, aut ut *ens in potentia*, aut ut *ens in actu*. Si igitur *non ens* non potest intelligi nisi per *ens*, et *ens in potentia* non nisi per *ens in actu*; et *esse* nominat ipsum purum actum entis: *esse* igitur est quod primo cadit in intellectu, et illud *esse* est quod est purus actus⁹. Sed hoc non est *esse* particulare, quod

De primo nomine.

Esse purissimum.

Notandum.

Esse cadit primo in intellectum.

Notandum.

¹ Gal. 3, 19. — Inferius pro *mens* [A, 4 et 2 *anima*] *nostra repleta* maior pars codd. *spiritus noster repletus*, quae etiam subinde post *inhabitur* addit *sicque anima nostra*, sed parum congrue.

² Rom. 5, 5. (Post *nostris* plures codd. addunt et *corporibus*). — Seq. locus est I. Cor. 2, 11; tertius Epl. 3, 17. seq.

³ Psalm. 4, 7: Signatum est super nos lumen vultus tui, Domine. — Seq. sententia est Augustini; cfr. supra pag. 180, nota 10. — Subinde respiciat Exod. 25-28, ubi describitur tabernaculum.

⁴ Exod. 3, 14.

⁵ Exod. 3, 14. — Seq. locus est Matth. 28, 19; tertius Luc. 18, 19.

⁶ Libr. I. de Fide orthod. c. 9. — Dionys., de Div. Nom. c. 3. § 1. et c. 4. § 1. Chr. I. Sent. d. 22. q. 3. in corp.

⁷ Non in quolibet *esse*, scil. non in *esse creatum* sive creatum, neque in illud *esse*, quod communissimo conceptu

entis repraesentatur, sive in *esse* analogum, sed in illud quod exprimitur verbis: *Ego sum qui sum*, et quod, ut ait Damasc. loc. cit., est « totum *esse* in se comprehendens velut quoddam pelagus substantiae infinitum et interminatum ». Solum tale *esse* ex adverso opponitur *nihil*o. Cfr. I. Sent. d. 8. p. I. a. 1. q. 2.

⁸ Cfr. supra pag. 304, nota 3. — Avicenna, Metaph. tr. 1. c. 6: Dicemus igitur, quod *ens* et *res* et *necessae* talia sunt, quod statim imprimuntur in anima *prima impressione*, quae non acquiritur ex aliis notioribus se etc. (Notandum, quod Avicenna dicit *ens*, non *esse*, de quo hic agitur).

⁹ Bene observari debet differentia inter intellectum apprehendentem et resolvablem, inter intellectum simpliciter reflectentem et quantum gradum contemplationis (de quibus vide infra schoiion). Cum creatura sit *ens*, per ipsam quidem cognosci potest *non ens*; cum quaedam creatura in aliquo genere sit *ens in actu*, per ipsam cognosci potest *ens in potentia*; sed tunc non agitur de *perfecta* cognitione *creaturae* in se,

est esse arctatum, quia permixtum est cum potentia, nec esse analogum, quia minime habet de actu, eo quod minime est. Restat igitur, quod illud esse est esse divinum.

4. Mira igitur est caritas intellectus, qui non considerat illud quod prius videt et sine quo nihil potest cognoscere. Sed sicut oculus intentus in variis¹ colorum differentias lucem, per quam videt cetera, non videt, et si videt, non advertit; sic oculus mentis nostrae, intentus in entia particularia et universalia, ipsum esse extra omne genus, licet primo occurrat menti, et per ipsum alia, tamen non advertit. Unde verissime apparet, quod «sicut oculus vesperilionis se habet ad lucem, ita se habet oculus mentis nostrae ad manifestissima naturae²»; quia assuefactus ad tenebras entium et phantasmata sensibilibus, cum ipsam lucem summi esse intuetur, videtur sibi nihil videre; non intelligens, quod ipsa caligo summa est mentis nostrae illuminatio³, sicut, quando videt oculus puram lucem, videtur sibi nihil videre.

5. Vide igitur ipsum purissimum esse, si potes, et occurrat tibi, quod ipsum non potest cogitari ut ab alio acceptum; ac per hoc necessario cogitatur ut omnimode primum, quod nec de nihilo nec de aliquo⁴ potest esse. Quid enim est per se, si ipsum esse non est per se nec a se? — Occurrit etiam tibi ut carens omnino non-esse, ac per hoc ut nunquam incipiens, nunquam desinens, sed aeternum. — Occurrit etiam tibi ut nullo modo in se habens, nisi quod est ipsum esse, ac per hoc ut cum nullo compositum, sed simplicissimum. — Occurrit tibi ut nihil habens possibilitatis, quia omne possibile aliquo modo habet aliquid de non-esse, ac per hoc ut summe actualissimum. — Occurrit ut nihil habens defectibilitatis, ac per hoc ut perfectissimum. — Occurrit postremo ut nihil habens diversificationis, ac per hoc ut summe unum.

Esse igitur, quod est esse purum et esse simpliciter et esse absolutum, est esse primum, aeternum, simplicissimum, actualissimum, perfectissimum, et summe unum.

lertum, simplicissimum, actualissimum, perfectissimum et summe unum.

6. Et sunt haec ita certa, quod non potest ab intelligenti ipsum esse cogitari horum oppositum, et⁵ unum horum necessario infert aliud. Nam quia simpliciter est esse, ideo simpliciter primum; quia simpliciter primum, ideo non est ab alio factum, nec a se ipso potuit, ergo aeternum. Item, quia primum et aeternum; ideo non ex aliis, ergo simplicissimum. Item, quia primum, aeternum et simplicissimum; ideo nihil est in eo possibilitatis cum actu permixtum, et ideo actualissimum. Item, quia primum, aeternum, simplicissimum, actualissimum; ideo perfectissimum; tali omnino nihil deficit, neque aliqua potest fieri additio. Quia primum, aeternum, simplicissimum, actualissimum, perfectissimum; ideo summe unum. Quod enim per omnimodam superabundantiam dicitur dicitur respectu omnium. «Quod etiam simpliciter per superabundantiam dicitur, impossibile est, ut conveniat nisi uni soli⁶». Unde si Deus nominat esse primum, aeternum, simplicissimum, actualissimum, perfectissimum; impossibile est, ipsum cogitari non esse, nec esse nisi unum solum. Audi igitur, Israel, Deus tuus Deus unus est⁷. — Si hoc vides in pura mentis simplicitate, aliquatim perfunderis aeternae lucis illustratione.

7. Sed habes unde sublevis in admirationem. Nam ipsum esse est primum et novissimum, est aeternum et praesentissimum, est simplicissimum et maximum, est actualissimum et immutabilissimum, est perfectissimum et immensum, est summe unum et tamen omnimodum. — Si haec pura mente miraris, maiore luce perfunderis, dum ulterius vides, quia ideo est novissimum, quia primum. Quia enim est primum, omnia operatur propter se ipsum; et ideo necesse est, quod sit finis ultimus, initium et consummatio, alpha et omega⁸. — Ideo est praesentissimum, quia aeternum. Quia enim aeternum, non fluit ab alio nec deficit a se ipso nec decurrit ab

Haec sex attributa probantur.

Adduntur sex attributa diversa.

Ex primis inferuntur secunda. Ratio prima.

Secunda.

de qua est sermo in hoc capitulo. Nam creatura, in quantum est non ens et ens in potentia, non cognoscitur plene nisi per esse, quod est actus purus. Haec perfecta cognitio competi animae solum in hoc quinto gradu; in qua Deus est etiam primum cognitum, a quo omnia alia cognita illustrantur, ita ut in ordine executionis sit primum, dum respectu praecedentium graduum ipse est primum cognitum in ordine tantum intentionis, in quantum cognitio imperfecta tendit naturaliter ad perfectam. — Inferius vocibus cum potentia plures codd. praefigunt esse.

¹ K L distentur per varios (etiam B I I M N per varios).
² Aristot., II. Metaph. text. 1. (I. brevior, c. 1.). Textus originalis post lucem addit diei (A Q, solis), et pro oculus mentis nostrae substituit intellectus animae nostrae (A intellectus noster, B I I K L M N oculus noster, qui etiam cum textu originali post illa omittant se habet; cfr. supra pag. 109, nota 5.).

³ Psalm. 138, 11: Et non illuminatio mea in deliciis meis. Cfr. c. 7. et Brevisio. p. V. c. 6. in fine. — Quodsi quis praedicat intelligi velit de esse analogo sive de esse, quod repraesentatur communissimo conceptu entis; tunc coniectus et con-

stantissima et indubitata doctrina s. Doctoris eo tantum sensu hoc accipi permittunt, quod esse communissimum sub aliquo respectu considerari potest unquam umbra divini esse, qua implicite et non proprie cognoscitur primum esse (vide infra scholion). — Pro intuetur plures codd. conlucetur. Inferius pro nihil [I I K L M non] videre B nihil valere videre.

⁴ Vat., 3 et 4 ab alio (perperam, quia hoc iam dictum fuit), 1 et 2 de alio. Superius post quod ipsum D I I K L M addunt esse. Codd., quos sequimur, communissime et constanter substitunt occurrit pro occurrit, quod habent ead.

⁵ Pro et I I K L quia. Infra ante potuit suppl. fieri.

⁶ Aristot., V. Topic. c. 3. (c. 5.). Cfr. ibid. VII. c. 1. — Mox pro nominal D I I K L M nominatur.

⁷ Deut. 6, 4: Audi Israel, Dominus Deus noster Dominus unus est.

⁸ Vide supra pag. 307, nota 6. — Prov. 16, 4: Universa propter semetipsum operatus est Dominus. — Post paucos pro fluit, quod exhibent B F I O, 1 et 2, plures alii codd. fuit, Vat., 3 et 4 putur (cfr. Boeth., V. de Consolat. prosa 6.).

uno in aliud: ergo nec habet praeteritum nec futurum, sed esse praesens tantum. — Ideo *maximum*, quia simplicissimum. Quia enim simplicissimum in essentia, ideo maximum in virtute, quia virtus, quanto plus est unita, tanto plus est infinita¹. —

Quarta. Ideo *immutabilissimum*, quia actualissimum. Quia enim actualissimum est, ideo est actus purus; et quod tale est nihil novi acquirit, nihil habitum perdit, ac per hoc non potest mutari. — Ideo *immensum*, quia perfectissimum. Quia enim perfectissimum, nihil potest cogitari ultra ipsum melius, nobilius nec dignius, ac per hoc nihil maius; et omne tale est

Sexta. immensum. — Ideo *omnimodum*, quia summe unum. Quod enim summe unum est est omnis multitudinis universale principium; ac per hoc ipsum est universalis omnium causa efficiens, exemplans et terminans, sicut « causa essendi, ratio intelligendi et ordo vivendi² ». Est igitur *omnimodum* non sicut

Notandum. omnium essentia, sed sicut cunctarum essentiarum superexcellens et universalissima et sufficientissima causa; cuius virtus, quia summe unita in essentia, ideo summe infinitissima et multiplicissima in efficacia.

8. Rursus revertentes dicamus: quia igitur *esse* purissimum et absolutum, quod est simpliciter *esse*, est *primum* et *novissimum*, ideo est omnium origo et finis consummans. — Quia *aeternum* et *praesentissimum*, ideo omnes durationes ambit et intrat, quasi simul existens earum centrum et circumferentia. — Quia *simplicissimum* et *maximum*, ideo totum intra omnia et totum extra, ac per hoc « est sphaera intelligibilis, cuius centrum est ubique et circumferentia nusquam³ ». — Quia *actualissimum* et *immutabilissimum*, ideo « stabile manens moveri dat universa ». — Quia *perfectissimum* et *immensum*, ideo est intra omnia, non inclusum, extra omnia, non exclusum, supra omnia, non elatum, infra omnia, non prostratum. — Quia vero est *summe unum* et *omnimodum*, ideo est omnia in omnibus⁴, quamvis omnia sint multa, et ipsum non sit nisi unum; et hoc, quia per simplicissimam unitatem, serenissimam veritatem et sincerissimam boni-

tatem est in eo omnis virtuositas, omnis exemplaritas et omnis communicabilitas; ac per hoc *ex ipso et per ipsum et in ipso sunt omnia*⁵, et hoc, quia *omnipotens, omniens et omnimode bonum*, quod perfecte videre est esse beatum, sicut dictum est Moysi: *Ego ostendam tibi omne bonum*.

CAP. VI.

De speculatione beatissimae Trinitatis in eius nomine, quod est bonum.

1. Post considerationem essentialium elevandus Gradus 6. est oculus intelligentiae ad contumtionem beatissimae Trinitatis, ut alter Cherub iuxta alterum statuatur⁶. Sicut autem visionis essentialium ipsum *esse* est principium radicale et nomen, per quod cetera innotescunt; sic contemplationis emanationum ipsum *bonum* est principalissimum fundamentum.

2. Vide igitur et attende, quoniam optimum quod simpliciter est quo nihil melius cogitari potest; et hoc tale sic est, quod non potest recte cogitari non esse, quia omnino melius est esse quam non esse⁷; sic est, quod non potest recte cogitari, quin cogitur trinum et unum. Nam « bonum dicitur diffusivum sui »; summum igitur bonum summe diffusivum est sui. Summa autem diffusio non potest esse, nisi sit *actualis et intrinseca, substantialis et hypostatica, naturalis et voluntaria, liberalis et necessaria, indeficiens et perfecta*. Nisi igitur in summo bono aeternaliter esset productio *actualis et consubstantialis*, et *hypostasis*⁸ aequae nobilis, sicut est producens, per modum generationis et spirationis — ita quod sit aeternalis principii aeternaliter comprincipiantis — ita quod esset dilectus et condictus, genitus et spiratus, hoc est Pater et Filius et Spiritus sanctus; nequaquam esset summum bonum, quia non summe se diffunderet. Nam diffusio ex tempore in creatura non est nisi centralis vel punctalis respectu immensitatis bonitatis aeternae⁹; unde et potest aliqua diffusio cogitari maior illa, ea videlicet, in qua diffundens communicat alteri totam substan-

Duo inferuntur.

Quid bonum et summa diffusio.

Duplex productio.

Ratio.

¹ Libr. de Causis, propos. 17: Omnis virtus unita plus est infinita quam virtus multiplicata.

² Ut notat August. supra pag. 19, nota 7. allegatus. Cfr. Dionys., de Div. Nom. c. 13. § 3, ubi ostendit, unitate sublata, omnia interire et ex uno Deo omnia existere. — Superius contra fere omnes codd. pro *Quod enim summe unum est* est edd. *Quia enim summe unum, ideo*.

³ Alan. ab Insulis, Theolog. regul. regul. 7, Cir. I. Sent. d. 37. p. 1. a. 4. q. 1. ad 3. Vide etiam supra pag. 81, nota 3. verba Gregorii. — Seq. sententia est Boeth., III. de Consolat. metr. 9: Stabileque manens das cuncta moveri. Etiam codd. plures et 4, 2 habent *stabilis pro stabile*. ⁴ Epist. I. Cor. 15, 28.

⁵ Rom. 11, 36. — Seq. locus est Exod. 33, 19.

⁶ Exod. 25, 19: Cherub unus sit in latere uno, et alter in altero. — Per verba inferius posita *principium radicale* etc. insinuat quod nunc communiter dicitur *essentia metaphysica*.

⁷ Secundum Anselm.; cfr. supra pag. 47, nota 7. — De

seqq. vide supra Quaest. de mysterio Trin. per totum et Brevilq. p. 1. c. 2. seqq. — Sententia illa: « Bonum dicitur diffusivum sui », est secundum Dionys. supra pag. 60, nota 7. allegatum. — Supra post *optimum* supple: est.

⁸ Cum AETIP et 1, 2 substituitur *hypostasis* pro *hypostaticalis*, B *hypostatis* (?). De parentesi cfr. I. Sent. d. 29. a. 2. et dubia; scil. *principium* « stat pro paternitate simul et spiratione » (ibid., dub. 1.).

⁹ Alan. ab Insulis, Theolog. regul. regul. 7, explicans verba circa finem praeced. cap. posita *Deus est sphaera intelligibilis* etc. ait: Centrum dicitur creatura; quia, sicut tempus collatum aeternitati reputatur momentum, sic creatura, immensitatis comparata, punctum vel centrum. — Pro *centralis vel punctalis* [B1P omittunt *vel punctalis*, D *centralis vel*] II K L M N perperam *essentialis*; F G legunt *non est essentialis*. Mox pro *unde et potest*, quod exhibent ABP, alii codd. et edd. perperam *unde* [edd. addunt *et*] *non potest*.

tiam et naturam. Non igitur summum bonum esset, si re, vel intellectu illa carere posset.

Si igitur potes mentis oculo contueri puritatem bonitatis, quae est actus purus principii caritative diligenter amore gratuito et debito et ex utroque permixto¹, quae est diffusio plenissima per modum naturae et voluntatis, quae est diffusio per modum Verbi, in quo omnia dicuntur, et per modum Domini, in quo cetera dona donantur; potes videre, per summam boni communicabilitatem necesse esse Trinitatem Patris et Filii et Spiritus sancti. In quibus necesse est propter summam bonitatem esse summam communicabilitatem, et ex summa communicabilitate summam consubstantialitatem, et ex summa consubstantialitate summam configurabilitatem, et ex his summam coaequalitatem, ac per hoc summam coaeternitatem, atque ex omnibus praedictis summam cointimitatem, qua unus est in altero necessario per summam circumcessionem et unus operatur cum alio per omnimodam² indivisionem substantiae et virtutis et operationis ipsius beatissimae Trinitatis.

3. Sed cum haec contemplaris, vide, ne te eximio. stimes comprehendere incomprehensibilem. Habes enim adhuc in his sex conditionibus considerare quod vehementer in stuporem admirationis inducit oculum mentis nostrae³. Nam ibi est summa communicabilitas cum personarum proprietate, summa consubstantialitas cum hypostasum pluralitate, summa configurabilitas cum discreta personalitate, summa coaequalitas cum ordine, summa coaeternitas cum emanatione, summa cointimitas cum emissione. Quis ad tantorum mirabilem aspectum non consurgat in admirationem? — Sed haec omnia certissime intelligimus esse in beatissima Trinitate, si levamus oculos ad superexcellentiissimam bonitatem. Si enim ibi est summa communicatio et vera diffusio, vera est ibi origo et vera distinctio; et quia totum communicatur, non pars; ideo⁴ ipsum datur, quod habetur, et totum: igitur emanans et produciens et distinguuntur proprietatibus et sunt essentialiter unum. Quia igitur distinguuntur proprietatibus, ideo habent personales proprietates et hypostasum pluralitatem et originis emanationem et ordinem non posterioritatis, sed originis, et emissionem non localis mutationis, sed gratuita inspirationis, per rationem auctoritatis producentis, quam habet patris respectu missi. — Quia vero sunt unum substantialiter, ideo oportet, quod sit unitas in essentia et forma et dignitate et aeter-

nitatem et existentiam et incircumscribilitatem. — Dum ergo haec per se singillatim consideras, habes unde veritatem contempleris; dum haec ad invicem confers, habes unde in admirationem altissimam suspendaris: et ideo, ut mens tua per admirationem in admirabilem ascendat contemplationem, haec simul sunt consideranda.

4. Nam et Cherubim hoc designant, quae se mutuo aspiciunt. Nec hoc varat a mysterio, quod respiciunt se versus vultibus in propitiatorium⁵ ut verificetur illud quod dicit Dominus in Ioanne: Haec est vita aeterna, ut cognoscant te solum verum Deum, et quem misisti Iesum Christum. Nam admirari debemus non solum conditiones Dei essentiales et personales in se, verum etiam per comparationem ad supermirabilem unionem Dei et hominis in unitate personae Christi.

5. Si enim Cherub es essentialia Dei contemplando, et miraris, quia simul est divinum esse primum et novissimum, aeternum et praesentissimum, simplicissimum et maximum seu incircumscripsum, totum ubique et nusquam comprehensum, actualissimum et nunquam motum, perfectissimum et nihil habens superfluum nec diminutum, et tamen immensum et sine termino infinitum, summe unum, et tamen omnimodum, ut omnia in se habens, ut omnis virtus, omnis veritas, omne bonum; respice ad propitiatorium et mirare, quod in ipso principium primum iunctum est cum postremo, Deus cum homine sexto die format⁶, aeternum iunctum est cum homine temporali, in plenitudine temporum de Virgine nato, simplicissimum cum summe composito, actualissimum cum summe passo et mortuo, perfectissimum et immensum cum modico, summe unum et omnimodum cum individuo composito et a ceteris distincto, homine scilicet Iesu Christo.

6. Si autem alter Cherub es personarum propriam contemplando, et miraris, communicabilitatem esse cum proprietate, consubstantialitatem cum pluralitate, configurabilitatem cum personalitate, coaequalitatem cum ordine, coaeternitatem cum productione, cointimitatem cum emissionem, quia Filius missus est a Patre, et Spiritus sanctus ab utroque, qui tamen semper est cum eis et nunquam recedit ab eis; respice in propitiatorium et mirare, quia in Christo stat personalis unio cum trinitate substantiarum⁷ et naturarum dualitate; stat omnimoda consensus cum pluralitate voluntatum, stat Dei et hominis compraeiatio cum pluralitate proprietatum,

¹ Hanc divisionem auctoris proponit Richard. a. S. Vict., V. de Trin. c. 16. seqq. Cfr. tom. I. pag. 57, nota 7. et pag. 199, nota 4. — De seq. propos. cfr. supra pag. 87, nota 1; pag. 211, nota 3. et I. Sent. lit. Magistri, d. XVIII. c. 4.

² BDHKMN summam.

³ A tunc.

⁴ Ita DFHKLN; alii codd. et edd. idem.

⁵ Exod. 25, 20: Respiciantque se mutuo versus etc. (Non

pauci codd. in propitiatorio). — Seq. locus est Ioan. 17, 3: Haec est autem etc.

⁶ Gen. 1, 26. — Expositio haec est secundum Irenaeum; cfr. supra pag. 241, nota 6. — De incarnatione vide Brevidiq. p. IV. c. 1. seqq. — Pro postremo M extremo.

⁷ Cfr. supra c. 1. n. 3. et pag. 61, nota 10. — Maior pars codd. omittit respice in propitiatorium et.

Duplex contemplatio.

Quid significet duo Cherubim.

Simul admiranda incarnationis.

De primo Cherub.

Respiciendum ad miram in incarnatione.

De secundo Cherub.

Item, ad aliam miram in eodem.

stat *coadoratio* cum pluralitate nobilitatum, stat *coexaltatio* super omnia cum pluralitate dignitatum, stat *condominatio* cum pluralitate potestatum.

Effectus huius
rationis.

7. In hac autem consideratione est perfectio illuminationis mentis, dum quasi in sexta die videt hominem factum ad imaginem Dei¹. Si enim *imago* est similitudo expressiva, dum mens nostra contemplatur in Christo Filio Dei, qui est *imago* Dei invisibilis per naturam, humanitatem nostram tam mirabiliter exaltatam, tam ineffabiliter unitam, videndo simul in unum primum et ultimum, summum et imum, circumferentiam et centrum, *alpha et omega*, causatum et causam, Creatorem et creaturam, *librum* scilicet *scriptum intus et extra*; iam pervenit ad quandam rem perfectam, ut cum Deo ad perfectionem suarum illuminationum in sexto gradu quasi in sexta die perveniat; nec aliquid iam amplius restet nisi dies requiei, in qua per mentis excessum requiescat humanae mentis perspicacitas *ab omni opere, quod patravit*².

Restat requies
diei septimi.

CAP. VII.

De excessu mentali et mystico, in quo requies datur intellectui, affectu totaliter in Deum per excessum transeunte.

Transitus
supra se
ipsum.

1. His igitur sex considerationibus excursis tanquam *sex gradibus throni veri* Salomonis, quibus pervenitur ad pacem, ubi verus pacificus in mente pacifica tanquam in interiori Hierosolyma requiescit; tanquam etiam *sex alis Cherub*, quibus mens veri contemplativi plena illustratione supernae sapientiae valeat sursum agi; tanquam etiam *sex diebus primis*, in quibus mens exercitari habet, ut tandem perveniat ad sabbatum quietis³; postquam mens nostra contuita est Deum *extra se* per vestigia et in vestigiis, *intra se* per imaginem et in imagine, *supra se* per divinae lucis similitudinem super nos relucentem et in ipsa luce, secundum quod possibile est secundum statum viae et exercitium mentis nostrae; cum tandem in *sexto* gradu ad hoc pervenerit, ut speculetur in principio primo et summo et mediatore *Dei et hominum*, Iesu Christo⁴ ea quorum

similia in creaturis nullatenus reperiri possunt, et quae omnem perspicacitatem humani intellectus excedunt: restat, ut haec speculando transcendat et transeat non solum mundum istum sensibilem, verum etiam semetipsam; in quo transitu Christus est *via et ostium*⁵, Christus est *scala et vehiculum* tanquam *propitiatorium super arcam Dei collocatum et sacramentum a saeculis absconditum*.

Per Christum.

2. Ad quod propitiatorium qui aspiciit plena conversione vultus, aspiciendo eum in cruce suspensum per fidem, spem et caritatem, devotionem, admirationem, exultationem, appropriationem, tandem et iubilationem; *pascha*, hoc est transitum⁶, cum eo facit, ut per virgam crucis transeat mare rubrum, ab Aegypto intrans desertum, ubi gustet *mana absconditum*, et cum Christo requiescat in tumultu quasi exterius mortuus, sentiens tamen, quantum possibile est secundum statum viae, quod in cruce dictum est latroni cohaerenti Christo: *Hodie mecum eris in paradiso*.

Pascha cum Christo.

3. Quod etiam ostensum est beato Francisco, cum in excessu contemplationis in monte excelso — ubi haec, quae scripta sunt, mente tractavi — apparuit Seraph sex alarum in cruce confixus, ut ibidem a socio eius, qui tunc cum eo fuit, ego et plures alii andivimus; ubi in Deum transit per contemplationis excessum; et positus est in exemplum perfectae *contemplationis*, sicut prius fuerat *actionis*, tanquam alter *Jacob et Israel*⁷, ut omnes viros vere spirituales Deus per eum invitaret ad huiusmodi transitum et mentis excessum magis exemplo quam verbo.

Franciscus exemplum perfectae contemplationis.

4. In hoc autem transitu, si sit perfectus, operetur quod relinquantur omnes intellectuales operationes, et apex affectus totus transferatur et transformetur in Deum. Hoc autem est mysticum et secretissimum, quod *nemo novit, nisi qui accipit*⁸, nec accipit nisi qui desiderat, nec desiderat nisi quem ignis Spiritus sancti medullitis inflamat, quem Christus misit in terram. Et ideo dicit Apostolus⁹, hanc mysticam sapientiam esse per Spiritum sanctum revelatam.

Modus huius transitus.

Sapientia mystica.

5. Quoniam igitur ad hoc nihil potest natura, modicum potest industria, parum est dandum inquisitioni, et multum unctioni; parum dandum est linguae, et plurimum internae laetitiae; parum dandum

Quomodo veniatur ad eam.

¹ Gen. 1, 26. — Inferius respiciat Apoc. 1, 8: Ego sum alpha et omega, primum et finis etc. (Post *primum* plures codd. addunt *principium*); Apoc. 5, 1, et Ezech. 2, 9: Qui [liber] erat scriptus intus et foris (cfr. Breviloq. p. II. c. 11.).

² Gen. 2, 2: Et requievit die septimo ab universo opere etc. Cfr. Breviloq. p. II. c. 2. — Pro *restet* A G K L M N *restat*.

³ Vide supra c. I. n. 5, ubi haec consideratio tanquam principium contemplationis constituitur. — Superius pro *supernae* B D H K N *aeternae*.

⁴ Epist. I. Tim. 2, 5. Verba vide supra pag. 306, nota 4.

⁵ Ioan. 14, 6. et 10, 7. — Subinde respiciat Exod. 25, 20, et Eph. 3, 9: Dispensatio sacramenti absconditi a saeculis in Deo.

⁶ Exod. 12, 11: Et comedetis [agrum paschalem] festi-

nanter; est enim *phase*, id est transitus, Domini. — Subinde respiciat Exod. 14, 16. seqq. (de virga domini) et 16, 15. (de manna), pro quo allegatur Apoc. 2, 17: Vincens dabo manna absconditum. Seq. textus est Luc. 23, 43.

⁷ Gen. 35, 40: Non vocaberis ultra *Jacob*, sed *Israel* erit nomen tuum. Cfr. supra Prolog. — Val., 3 et 4 *Jacob mutatus in Israel*. Superius vocibus *excessu contemplationis* non pauci codd. interserunt *mentis seu*.

⁸ Apoc. 2, 17: Nemo scit, nisi etc. — Subinde respiciat Luc. 12, 49: Ignem veni mittere in terram. — Superius post *oportet* C allegat quaedam verba Dionys., de Mystica Theolog. c. 3. circa finem et de Div. Nom. c. 7. § 3.

⁹ Epist. I. Cor. 2, 10. seqq. — Subinde respiciat I. Ioan. 2, 20, et 27. (de unctione).

est verbo et scripto, et totum Dei dono, scilicet Spiritui sancto; parum aut nihil dandum est creaturae, et totum creatrici essentiae, Patri et Filio et Spiritui sancto, dicendo cum Dionysio¹ ad Deum Trinitatem: « Trinitas superessentialis et superdens et superoptime Christianorum inspector theosophiae, dirige nos in mysticorum eloquiorum superincognitum et superlucentem et sublimissimum verticem; ubi nova et absoluta et inconversibilia theologiae mysteria secundum superlucentem absconduntur occulte docentis silentii caliginem in obscurissimo, quod est supernamifestissimum, supersplendentem, et in qua omne rehicet, et invisibilium superbonorum splendoribus superimplentem invisibiles intellectus ». Hoc ad Deum. Ad amicum autem, cui haec scribuntur, dicitur cum eodem: « Tu autem, o amice, circa mysticas visiones, corroborato itinere, et sensus desere et intellectuales operationes et sensibilia et invisibilia et omne non ens et ens, et ad unitatem, ut possibile est, inscius restituere ipsius, qui est super omnem essentiam et scientiam. Etenim te ipso et omnibus immensurabili et absoluto purae mentis excessu², ad supersensitalem divinarum tenebrarum radium, omnia deserens et ab omnibus absolutus, ascendes³ ».

6. Si autem quaeras, quomodo haec fiant, interroga gratiam, non doctrinam; desiderium, non intellectum; genitum orationis, non studium lectio-
nis; sponsum, non magistrum; Deum, non hominem; caliginem, non claritatem; non lucem, sed ignem totaliter inflammantem et in Deum excessivis unctio-
nibus et ardentissimis affectionibus transferentem. Qui quidem *ignis* Deus est, et huius *caminus est in Ierusalem*⁴, et Christus hunc accendit in fervore
suae ardentissimae passionis, quem solus ille vere percipit, qui dicit: *Suspendium elegit anima mea, et mortem ossa mea*. Quam mortem qui diligit vi-
dere potest Deum, quia indubitanter verum est: *Non videbit me homo et rivet*. — Moriamur igitur et ingre-
diamur in caliginem, imponamus silentium sollicitudinibus, concupiscentiis et phantasmatibus; transeamus cum Christo crucifixo *ex hoc mundo ad Patrem*⁵, ut, ostenso nobis Patre, dicamus cum Philippo: *Sufficit nobis*; audiamus cum Paulo: *Sufficit tibi gratia mea*; exultemus cum David⁶ dicentes: *Defecit caro mea et cor meum, Deus cordis mei et pars mea Deus in aeternum. Benedictus Dominus in aeternum, et dicet omnis populus: Fiat, fiat. Amen. EXPLICIT ITINERARIUM IN DEUM*.

SCHOLION

Aurei huius opusculi doctrina a viris etiam doctis non raro vel imperfecte, vel omnino perperam intellecta est. Nonnulli enim aliquas eiusdem propositiones non in rigore verborum intelligendas, sed benigna quadam interpretatione exponendas sive excusandas esse censuerunt, utpote dictas in libro *mystico*, non scientifice theologico. Alii non pauci quibuscumque loquendi modis hic occurrentibus abusi sunt ad confirmandas proprias suas opiniones falsas. — Considerata huius libelli subtilitate et expositionis brevitate, non est mirum, quod errorum interpretationes elapsae sint sive parum versatis in doctrina seraphici Doctoris, sive specialem indolem totumque contextum huius scripti non attendentibus. Attamen a sapientissimis viris ultimarum saeculorum hic libellus recte celebratus est ut prorsus in genere suo singularis, mira arte compositus et nunquam

satis laudandus. Reapse continet documenta sana, altissima, saluberrima et diligenti verborum electione expressa; totaque doctrina omnino consentanea est ei quam Sanctus in scriptis suis theologicis profutur et diffusius exponit. Hoc satis constare potest iam per testimonia a nobis in notis allegata; quoad pauca quaedam difficiliora remittimus lectorem ad Quaestionem disputatam supra pag. 17 denovo impressam et cum aliis auctororum scholae Bonaventurinae quaestionibus primo in opusculo de *Humanae Cognitionis ratione* a nobis typis Collegii S. Bonaventurae 1883 publicatam, praesertim ad praebulam Dissertationem (ibid. pag. 1-47).

In commodum tamen lectoris visum est oportuum breviter quasdam observationes hic subiicere, ut via paratur facilius ad rectam difficultiorum locorum intelligentiam.

¹ De Mystica Theologia, c. 1. § 1, ubi etiam seq. locus occurrat. Bonav. affert verba secundum versionem Scoti Erigenae, cum qua circa medium primae sententiae per *absconditam* substituimus *absconduntur* (G *abscondunt*, NP *absconduntur*). Pro verbis, quae inter primum et secundum textum ponuntur *Hoc ad Deum... eodem*, DGM cum originali substituit *Vidi quidem haec opto*.

² In Graeco: Τῇ γὰρ ἐαυτοῦ καὶ πάντων ἀρχῆς καὶ ἀπολῆς καθαρῶς ἐκπύσσει. Sensus est: Dum te ipsum et omnia superexcedis etc.

³ Praeter locum supra pag. 260, nota 3. allegatos cfr. III. Sent. d. 23. dub. 4. — Auctores catholici de mystica theologia scribentes communiter approbant hanc S. Bonav. doctrinam, quam accepit a laudato Dionysio, quod scilicet in animis perfectis detur sublimis quidam gradus contemplationis supernaturalis et infusae, quam vocant contemplationem *puram*, quia

fit sine concursu phantasmatum. Item docent, quod ad hunc contemplationis gradum pertineat illa *oratio in caligine*, de qua auctor noster hic loquitur. De his cfr. Dionys. Carthus. in suo Commentar. ad Dionys. Areopag. Inter recentiores autem de *pura contemplatione* loquitur Philipp. a. Ss. Trinitate, Sum. theol. myst. p. II. tr. 3. discurs. 2. a. 2, ubi melius determinat quod in contrarium docuerat in sua Sum. philos. II. II. q. 14. a. 6; nec non Scaramelli, Directorio mystico, tr. 2. c. 15. n. 166-172; de *oratione in caligine* Philipp. a. Ss. Trin. loc. cit. a. 3; Scaramelli c. 8. n. 80-85.

⁴ Isai. 31, 9: Caminus eius in Ierusalem. — Seq. locus est Job 7, 15; tertius Exod. 33, 20.

⁵ Ioan. 13, 1. — Seq. locus est ibid. 14, 8; tertius II. Cor. 12, 9.

⁶ Psalm. 72, 26. et 105, 18: Benedictus Dominus Deus Israel a saeculo et usque in saeculum, et dicit etc.

1. Quoad indolem opusculi peculiarem notamus, quod recte quidem recensetur inter opera *mystica*, quin tamen suo loco inter opera ad scientiam *theologicam* et etiam *philosophicam* spectantia privandum sit. Est opus *mysticum*, spectatis tum *fine* ab auctore intento tum animi *dispositionibus*, quas idem in legentibus requirit; quod manifeste constat ex Prologo et initio 1. capituli. Non enim auctor eo consilio scripsit, ut more scholarum doceat scientiam pure theoreticam, vel conutlet errores, sed ut directe promoveat devotionem et divinorum contemplationem. Dicit enim: « Vacare volentibus ad Deum magnificandum, admirandum et etiam degustandum speculationes subiectas propono » (Prolog. n. 4.). Pro *dispositione* autem lectoris non sufficere dicitur intellectus humanus, quantumvis acutus et excultus, ne adiunctis quidem principiis, quae fides omnibus Christianis proponit; sed ipse sit « *vir desideriorum* », sit praeventus gratia, humilis, pius, compunctus, devotus et contemplationi addictus; quia, ut observatur, « parum aut nihilum est speculum exterius propositum, nisi speculum mentis nostrae tersum fuerit et polium ». Immo, quasi eventus futuros praesagians, auctor praemonet, deficiente illa ad contemplationem dispositione, et mentis oculo male disposito, cavendum esse, « ne foris ex ipsa radiorum speculatione in graviores incidat foveas tenebrarum » (ibid. n. 4.). Requiritur igitur ad bene hoc libello fruendum ille *oculus contemplationis*, de quo, agens de triplici oculo, Sanctus loquitur supra Breviloq. p. II. c. 12. (cfr. de dono contemplationis II. Sent. d. 23. a. 2. q. 3. in corp. et ad 6.).

Nihilominus pars, ut ita dicam, *materialis* huius opusculi, quae proponit ipsa *obiecta* consideranda, sumta est ex disciplinis theologicis et philosophicis; et haec doctae ac profunde exhibet recondita quaedam philosophiae christianae documenta de *multiplici relatione* tum naturalis tum supernaturalis ordinis, quam res creatae habent ad primam causam efficientem, exemplarem et finalem. Omnia enim a Deo in ordine naturali et supernaturali, reali et ideali causata sunt specula quaedam oculo mentis purgato et illuminato proponuntur ad contemplanda divina attributa et Trinitatis et incarnationis mysteria. Dum igitur vulgares libri meditationum ipsa fidei mysteria plurima meditando utiliter exhibent; hic proponit arcanum illum *nexum*, quo ordo creaturarum naturalis et supernaturalis coniungitur cum primo principio, quod, teste Augustine, est omnium « causa essendi, ratio intelligendi et ordo vivendi ». Ita fieri potest, ut secundum statum conditionis nostrae ipsa rerum universitas sit scala ad ascendendum in Deum » (c. 1. n. 2.).

2. Notandae sunt tres *distinctiones*. — a. Triplex est creaturarum *comparatio et dependentia ad Deum*: « aut sicut ad *principium creativum*, aut sicut ad *obiectum motivum*, aut sicut ad *donum inhabitativum*. Primo modo comparatur ad ipsum omnis eius *effectus*, secundo modo omnis *intellectus*, tertio modo omnis *spiritus iustus et Deo acceptus*. Omnis enim *effectus*, quantumcumque parum habens de *esse*, habet Deum sicut principium. Omnis *intellectus*, quantumcumque parum habens de lumine, natus est per cognitionem et amorem capere Deum. Omnis autem *spiritus iustus et sanctus* habet donum Spiritus S. sibi infusum » (Breviloq. p. II. c. 12.). — Cum hac distinctione cohaeret alia de quatuor gradibus eius cognitionis Dei, quae haberi potest *in via*. « Cognoscitur enim Deus in *vestigio*, cognoscitur in *image*, cognoscitur et in *effectu gratiae*, cognoscitur etiam per intimum *unionem Dei et animae*; iuxta quod dicit Apostolus [I. Cor. 6, 17.]: *Qui adhaeret Deo unus spiritus est*. Et haec est cognitio excellentissima, quam docet Dionysius, quae quidem est in ecstático amore et elevat supra cognitionem fidei secundum statum communem » (III. Sent. d. 24. dub. 4.).

b. Triplex est *modus existentiae rerum*. « Res tripliciter habent *esse*, scilicet in *materia* vel natura propria, in *intelligentia* creata et in *arte aeterna*; secundum quae tria dicit Scriptura: *Dixit Deus: fiat; fecit, et factum est* » (Breviloq. p. II. c. 12; cfr. ibi Prolog. § 3; I. Sent. d. 36. a. 2. q. 2. in corp. et II. Sent. d. 3. p. II. a. 2. q. 1. fundam. 6; Quaest. disp. de scientia Christi, q. 4. in corp.).

c. Triplici modo *intellectus se vertere potest* ad considerandum creaturarum speculum tum exterius tum interius; quia « sensus carnis [et idem valet de sensu interiore] aut deservit intellectui *rationabiliter investiganti*, aut *fideliter credenti*, aut *intellectualiter contemplanti* » (hic c. 1. n. 10.). Unde triplici modo intellectus *transire* potest ab effectibus ad causas, a creatura ad Deum, scilicet vel sola vi luminis naturalis et modo philosophico, vel adiunctis fidei principiis, vel etiam donis Spiritus S. illuminantibus.

3. Circa modum, quo intellectus *rationabiliter investigans* transit, praesertim ab imagine interiore ad Deum, notanda est alia distinctio inter intellectum *apprehendentem* et *resolventem*, et *resolventem* vel *sempiternum*, vel *plene*; qua distinctione etiam intelligitur ratio cognoscitiva *explicitae* et *implicitae*. — Alio modo sensu verum sit, quod ens creatum non possit cognosci ab intellectu *plene resolvente*, nisi iuvetur ab intellectu primi entis (c. 3. n. 3. et c. 5. n. 3. cum notis.). — Dicit igitur de hoc S. Doctor (I. Sent. d. 28. dub. 4.): « Quantum ad intellectum *apprehendentem* non potest intelligi aliquid sine aliquo, quod est *ratio intelligendi*, sicut Deus praeter deitatem et homo praeter humanitatem; potest tamen intelligi *effectus*, non intellecta *causa*, et *inferius*, non intellectu *superiori*, quin potest quis apprehendere *hominem*, non intellectu aliquo superiori. Et sic dicit Philosophus, quod qui *unum* dicit quodam modo *multa* dicit, non *simpliciter*, sed *quodam modo*, quia *implicitae*. — Alio modo contingit aliquid intelligere praeter alterum intellectum *resolvente*; et iste intellectus considerat ea quae sunt rei essentialia, sicut potest intelligi subiectum sine propria passione. Et hoc potest esse dupliciter: aut intellectu *resolvente plene* et perfecte, aut intellectu deficiente et *resolvente semiplene*. Intellectus *resolvente semiplene* potest intelligi, aliquid esse, non intellecto primo ente. Intellectu autem *resolvente perfecte* non potest intelligi aliquid, primo ente non intellecto ». Cfr. II. Sent. d. 4. p. II. dub. 2, ubi docetur, quod *esse*, abstracta bonitate, « potest intelligi intellectu *apprehendente* et intellectu *sempiternum resolvente*; sed intellectu *plene* ad causas *comparante* non potest intelligi, non intellectu illo ».

4. Licet « omnis creatura magis ducat in Deum quam in aliquid aliud » (I. Sent. d. 3. p. I. q. 2.), tamen, cum cognitio actualis incipiat a sensu et ab exteriori ad interius, ab imperfecto ad perfectum progreditur; intellectui adhuc rudiori vix alia via *rationabiliter investigandi* Deum aperta est, nisi ascendendo a mundo sensibilis sive a *vestigio* Dei. Hinc dicitur: « Primum gradum ascensionis collocemus in imo, ponendo totum istum mundum *sensibilem* nobis tanquam speculum, per quod transeamus ad Deum, opificem summum » (c. 1. n. 9.). Porro umbrac creaturarum et vestigia sunt « proposita mentibus adhuc rudibus et sensibilibus, ut per sensibilia, quae vident, transferantur ad intelligibilia, quae non vident, tanquam per signa ad signata » (c. 2. n. 11.). — Tamen auctor parum moratur in describendis rebus particularibus mundi sensibilis (c. 1.), sed continuo transit (c. 2.) a mundo *materiali* (reali) ad mundum *idealem* sive ad illud *esse* non physicum, sed metaphysicum, quod mundus habet in mente humana. Ipse enim intellectus *apprehendens* naturaliter et necessario supergraditur ordinem existendi concretum rerum particularium et contingentium, quarum species abstrahendo et depurando in se concipit, et ita res super ordinem materiale quasi elevat et induit quodam spiritualis ordinis vestimento, id est quibusdam proprietatibus idealibus, scilicet universalitatis, immutabilitatis, aeternitatis et necessitatis, quae ipsi ordini reali rerum materialium minime conveniunt. Porro, ordo ille idealis supremam *radicem* et *ultimum fundamentum* habet in Deo et ducit in ipsum. « Veritates intellectae *fundantur in aliquo aeterno*. Fundantur autem in ipsa prima Veritate sicut in causa universalis, contentiva omnis veritatis » (S. Thom., S. c. Gent. II. c. 84.). « Regulae (intellectus) incommutabiles radicanter in luce aeterna et ducunt in eam » (S. Bonav., Hexaem. collatio 2.). « Hinc ipse intellectus, considerans condiciones entis secundum relationem causae ad causatum, *transfert se ab effectu ad causas et transit ad rationes aeternas* » (ibid. coll. 5.). Hic transitus

feri potest arguendo, et resolvendo ab intellectu *rationabiliter investigante*; perfectus autem fit ab eodem illuminato et *intellectualiter contemplante*. — Ordo hic *idealis*, vulgari intellectu obscurus et fere ignotus, a S. Bonaventura, duce S. Augustino, praecipuo studio in capp. 2. 3. 5. 6. proponitur, ut oculus contemplativus *transcat* ad divina contemplanda. Suppositio triplici illo *esse* eiusdem rei, talis transitus non difficulter intelligitur; attamen bene attendendum est, quod alia est ratio et via, qua intellectus transit ab ordine *reali* ad *idealem*, et alia, qua ab hoc ascendit ad ordinem *divinum* (cfr. de hoc Dissertatio cit. pag. 22-25).

5. Communitur antiqui Scholastici cum S. Thoma (de Verif. q. 22. a. 2. ad 4.) docuerunt, « quod omnia cognoscencia *cognoscunt implicitè, Deum in quolibet cognito* » (cfr. cit. Dissert. pag. 47. 18); et secundum hanc *implicitam* et *confusam* qualemque cognitionem dici posset assensum, naturaliter notam esse existentiam Dei (S. Thom., S. I. q. 2. a. 4. ad 1.). « Motus ergo nostri intellectus, dum intelligit, dum ratiocinatur, a cognitione *implicita* Dei incipit et in cognitionem explicitam Dei terminatur »; ita et P. Lepidi O. Praed. (Period. *Divus Thomas* 1884, n. 44. seqq.).

6. Inter mentem humanam et Deum, quatenus est suprema « causa essendi, ratio » intelligendi et ordo vivendi, nulla creatura est intermedium; hoc tamen non impedit, quominus creaturae sint medium *disponens* et quasi manu ducens ad cognitionem Dei, ut bene explicat S. Bonav. I. Sent. d. 3. p. 1. q. 3. ad 1. et II. Sent. d. 3. p. 1. a. 2. q. 2. ad 6. — Licet igitur intellectus humanus in statu vite minime Deum cognoscat *immediate*, sed tantum in speculo creaturarum; recte tamen dicitur in se ipso *conunctus Deo, Deo praximum*, vel *pertingens ad Deum*, ut passim occurrit hic c. 2. et 3. et apud Augustinum docentem, naturam intelligibilem *connecti* non solum intelligibilibus, verum etiam immutabilibus rebus (I. Retract. c. 8. n. 2.). Monet tamen Seraphicus (Quaest. disp. de scientia Christi, q. 4. ad 49.): « Pauci sunt, qui isto modo illas rationes sciunt se attingere; immo, quod plus est, pauci sunt, qui velint hoc credere, quia difficile videtur intellectui ad aeterna contemplanda nondum elevato, quod ita habeat Deum praesentem et propinquum, cum tamen dicit Paulus (Act. 17, 27.), quod *non longe est ab unoquoque nostrum* ».

7. Communis item sententia ut certum docet *concursum Dei generalem*, activum et immediatum ad quaslibet actiones creaturarum; unde « lumen creatum non potest perficere operationem suam *absque aliqua cooperatione luminis increati*, per quod illuminatur omnis homo, qui venit in hunc mundum » (S. Bonav., II. Sent. d. 28. a. 2. q. 3. in corp.). Nam « in hoc continuo Deus operatur in mente, quod in ipsa lumen naturale causat et *ipsum dirigit ad videndum*; et sic mens non sine operatione causae primae in suam operationem procedit » (S. Thom., Opusc. 63, sive in librum Boethii de Trin. q. 4. a. 4. ad 6.). Haec immediata cooperatio primae lucis vocatur ab Augustino et Scholasticis quaedam mentium *irradiatio* sive *illuminatio*, quae praeter intellectum creatum suo modo est quoddam supremum *principium*, quo cognoscitur; sive, ut S. Bonav. dicit, ipsa est ratio *motiva*, in aliud *ductiva*, sive *regulans*; et hoc sensu « ad modum candelaebri relinquit lux veritatis in facie nostrae mentis » (c. 3. n. 4.); tamen prima lux non est *principium*, quod (directe) cognoscitur, sive obiectum *terminans*, *quietans* et *in se ducens*. De hoc agit tota q. 4. inter Qq. disput. de scientia Christi, quae magis explicatur a Matth. ab Aquasparta (de Illum. Cognitionis ratione, pag. 87-108; cfr. ibid. Dissert. cit. pag. 26-44). Summi momenti est tum haec *distinctio* inter cognitionis *principium* quo et *principium* quod, sive inter *medium* (ratio) et *obiectum* cognoscendi, tum *doctrina* omnium Scholasticorum, quod aliquid potest esse medium quo sive *ratio cognoscendi*, quin ipsam sit *obiectum* cognitionis, ita ut « *lateat* ut obiectum cognitionis, sed *pateat* ut ratio cognoscendi » (sic Matth. ab Aquasparta, q. disp. 3. ad 4; cfr. ibid. ad 6. et S. Thom., I. Sent. d. 3. q. 4. ad 5.). Praecipue propter neglectam hanc distinctionem et doctrinam exortae sunt falsae Itinerarii interpretationes, de quibus continuo agimus.

8. Iis suppositis, genuinus sensus aliquorum loquendi modorum, qui ex Augustino sumti sunt, patere potest, simulque falsitas quarundam interpretationum, quae duplicem errorem seraphico Doctore imposuerunt.

Primo enim dictum est, eum consentire ontologismo Malebranchii, quasi docuerit, veritates intellectuales cognosci *formaliter* in rationibus aeternis. Attamen eiusdem testimonium irrefragabilibus iam toties demonstratum est, ab ipso admitti pro hac vita ne « *exilem* » quidem gradum *immediatae* Dei cognitionis, nec in *ultissima contemplatione* (saltem ordinario), nec ullum transitum ad rationes aeternas, nisi eum quo intellectus « *transfert se ab effectu ad causas* ». « Unde si quae auctoritates id dicere inveniuntur, quod Deus in praesenti ab homine videtur et cernitur, non sunt intelligendae, quod videtur *in sua essentia*, sed quod in aliquo effectu inferiori cognoscitur » (II. Sent. d. 23. a. 2. q. 3. in corp.). Ipsi Angeli *naturaliter* cognoscunt non poterant Deum cognoscere nisi « *per effectus*. Cognoscitur autem Deus *per effectus visibiles*, et *per substantias spirituales* et *per influentiam luminis connaturalis potentiae cognoscenti*, quod est similitudo quaedam Dei, non abstracta, sed *influxa*, inferior Deo, quia in inferiori natura, sicut dicit Augustinus » (IX. de Trin. c. 11. n. 16.). Ita II. Sent. d. 3. p. 1. a. 2. q. 2. ad 4. Plura vide I. Sent. d. 3. p. 1. q. 1. scholion et cit. Dissert. pag. 7-12. — Mirum videtur, quod de genaina doctrina S. Bonaventurae propter quasdam male intellectas formulas huius Itinerarii potuerit dubitari, cum in eodem clarissime (c. 4. 2. 3.) non nisi ascensionem *a creaturis* ad Deum doceat; et quando adhibet verba *videre Deum*, se explicat additis aliis verbis, ut: « *conari debemus per speculum videre Deum* » (c. 3. n. 4.) et « *videre poteris Deum per te tanquam per imaginem*, quod est videre *per speculum in aenigmate* » (ibid.).

9. Alius error impositus est auctori nostro per falsam capituli 5. interpretationem, quasi docuerit, tum quod primum *cognitum intellectus apprehendens* sit *esse divinum*, tum quod *esse commune* confuderit cum *esse divino*. Perversa haec interpretatio prorsus aliena est a mente S. Doctoris et manifeste excluditur irrefragabilibus doctrinae capitulis, quae constanter et passim asserit. Nam docet verbis peremptoriis, quod divinum *esse* in se nec ante nec post primum peccatum *immediate* cognosci possit; quod non percipiatur nisi in speculo creaturarum et per ordinem, quem *effectus* habent ad causam (I. Sent. d. 3. p. 1. q. 1. 2; II. Sent. d. 23. a. 2. q. 3. et passim); item, quod *actualis intellectio* incipiat a sensu, ita ut ab intentione imperfecta et confusa progrediatur ad perfectionem et explicitam (cfr. II. Sent. d. 39. a. 4. q. 2. et scholion, n. II. d. 25. p. II. q. 6; I. Sent. d. 8. p. II. dub. 4; II. Sent. d. 4. p. II. a. 4. q. 2. ad 2; III. Sent. d. 37. dub. 4.). Denique toties affirmat, *esse divinum* non *esse in genere*, sed *supra omne genus*, nec *univocum*, sed tantum *analogum* cum omnibus mentis conceptibus, etiam transcendentalibus.

Insuper ex hoc Itinerario et ex ipso cap. 5. genuinus sensus auctoris satis apparet. — Nam primo clarissime docet ordinem et gradus cognitionis et contemplationis, per quos a creaturis ascendimus ad perfectam, quantum fas est, Dei cognitionem (c. 4. n. 2.). Primum enim gradum ponit in *imo*, incipiendo a mundo *sensibili*, ut supra (n. 4.) notavimus; scilicet « *ut perveniamus ad Deum, oportet nos transire per vestigium* » (c. 4. n. 2. et 5.). — Superiores autem gradus ab ipso deinde explicati supponunt praecedentes.

Secundo, de conceptu τὸς *esse* iam in tertio gradu (c. 3. n. 3.) auctor locutus est secundum intentionem *apprehendentem* et *resolventem* (vide supra n. 3.); ubi dicitur, quod « non venit intellectus noster *ut plene resolvens* intellectum alicuius entium creatorum, nisi iuvetur ab intellectu entis purissimi » etc. Non igitur nisi ascendendo a causatis rebus et *resolvendo*, immo resolvendo non *semiplene*, sed *plene*, intellectus concipit ens purissimum et absolutissimum.

Hoc supposito, etiam in c. 5. n. 3. triplex distinguitur *esse*, scil. in rebus (extra nos) « *esse particulare*, quod est *esse arctatum*, quia permixtum est cum potentia »; in intellectu (intra nos) « *esse analogum*, quod minime habet de actu, eo quod minime

est»; denique *esse supra nos*. Sed breviter commemoratis duobus prioribus, totus versatur in contemplatione illius *esse*, quod est «*supra nos*» nec attingitur nisi ab oculo contemplativo. Ne igitur lector a genuino huius capituli sensu aberraret, ea quae in cap. 3. dicta sunt et nexus gradus quinti cum tertio mente retinenda sunt.

Tertio, contemplatio huius 5. gradus fundatur in axiomatico Avicennae communiter a Scholasticis recepto, quod «*ens (esse)* est quod primo cadit in intellectu». Haec sententia intelligitur proprie de illo *ente communi*, primo actu intellectus concepto, quod nullo modo manifestari nobis potest per aliquid notius illo. Hoc tamen *ens*, quatenus concipitur ab intellectu *apprehendente*, «*non* est aliquid determinatum, nec actu nec potentia, nec praesens nec futurum, nec homo vel equus et huiusmodi, sed *ens*, quod est superius ab omnia ista; et ego dico, quod quidditas illa est *ens in intellectu*... licet non sit *ens in actu*, quia nec hoc est de intellectu suo» (Matth. ab Aquasparta, in cit. Opusc. de Hum. Cognitionis ratione, pag. 120; sive in quaest. disp.: Utrum ab cognitionem rei requiritur ipsius rei existentia etc., ad 4; cfr. ad 5. 6. 7. et corp., ubi etiam alia sunt ad rem spectantia). S. Thom. (S. I. II. q. 94. a. 2. corp.) dicit: «*Illud quod primo cadit in apprehensione, est ens*, cuius intellectus includitur in omnibus, quaecumque quis apprehendit; et ideo primum principium indemonstrabile est, quod *non est simul affirmare et negare*, quod fundatur super rationem entis et non entis, et super hoc principio omnia alia fundantur» (cfr. idem de Potentia q. 9. a. 7. ad 15. et in fine; S. I. q. 14. a. 2. ad 4.).

Hoc *esse analogum*, ab intellectu apprehendente primo cognitum, non est nisi tenuissima umbra *dicini esse*, a quo ratione *realitatis* toto caelo distat eique quasi est oppositum; nihilominus ratione suae *maximae universalitatis, primitivae et simplicitatis* aptum est *contemplativo oculo* fieri speculum ad divina contemplanda. Observat etiam Richardus a Med. (I. Sent. d. III. p. I. a. 3. q. 3.): «*Cum intelligimus ens in communi*, non descendendo ad *ens creatum vel increatum*, intelligimus Deum intellectione *generalissima*, in quantum intelligimus aliquid commune sibi et cuilibet creaturae, non communitate *univoca*, sed *analogica*. Et haec *naturalis* cognitio de Deo prior est quam Dei cognitio [propria] per *vestigium*; quia ista praesupponit in intellectu alicuius alterius cognitionem, sed illa non. Unde secundum Avicennam... *ens commune omnibus rebus nullo modo potest manifestari nobis per aliquid notius illo*. Alio modo cognoscitur Deus a nobis *in generali*, in quantum cognoscimus *esse* aliquod *ens increatum*, cuiuslibet entis creati causam efficientem et finalem; et hanc cognitionem habemus de Deo per naturam *primo* per *vestigium*». — Omnia haec confirmari possunt testimoniis nostri auctoris, quorum unum insigne iuvat transcribere, in quo loquitur de genere generalissimo et specie specialissima et sic concludit: «*Et hinc est, quod genus in aliquo assimilatur Deo magis quam species, in aliquo e converso*. Deus enim, quia nobilissimus est in fine totius nobilitatis, simul habet in se omnem perfectionem, ita quod ipse est *simplicissimus* et omnino *incorruptibilis*, est etiam *perfectus* et in omnimoda *actualitate constitutus*. Creatura vero, secundum quod potest, semiplene assimilatur Deo; et quan-

tum ad rationem *simplicitatis* et *incorruptibilitatis* magis assimilatur magis universale, quantum ad rationem *actualitatis* magis assimilatur minus universale» (I. Sent. d. 18. a. 1. q. 3. in corp. circa finem). Eo fortius hoc valet de universalibus *transcendentalibus*, quorum primum et generalissimum est *esse*.

Quarto, ipsa verba auctoris in cap. 5. satis manifestant, quod bene distinguat ab *esse divino*, quod est actus purus, illa duo alia. Dicit enim: «*Sed hoc non est esse particulare [extra nos realiter existens], quod est esse arctatum, quia permixtum est cum potentia; nec esse analogum [in intellectu intra nos], quia minime habet de actu, eo quod minime est*». De *esse analogo* sive communissimo, quod est quasi infinitum inter omnia, quibus competit *esse*, auctor hic non loquitur, nisi quatenus occasionem dat contemplandi *ipsum esse* (supra nos). Unde monet: «*Volens contemplari Dei invisibilia quoad essentiae unitatem defugit aspectum in ipsum esse et videt*» etc. (n. 3.). Item: «*Vide igitur ipsum purissimum esse, si potes, et occurrit tibi*» etc. (n. 5.). Haec verba de «*ipso esse*» manifeste non intelliguntur de primo illo actu intellectus *apprehendentis*, qui naturaliter et necessario exercetur, et cuius obiectum est tenuissimum illud *esse*, quod non est *primum et purum esse*, sed potius eiusdem longinqua umbra. Intellectus autem reflectens et resolvens, et praecipue oculus contemplativus facile advertere potest, ipsum *esse per se*, quod est primum a parte rei essendi et cognoscendi principium, *esse aliquid supra nos et ante nos*, in quo omne *esse creatum* et etiam illud communissimum primi universalis *esse* radicatur, et in quod omnia ducunt intellectum resolventem. Hoc sensu etiam S. Thomas (S. I. q. 3. a. 5, sed contra) proclamat: «*Nihil prius est Deo, nec secundum rem nec secundum intellectum*». Quod manifeste dictum est non ex parte intellectus humani, qui in caecitate sua prius umbram veritatis quam ipsam *veritatem in se* apprehendit, sed ex parte *rei* vel intellectus *superioris*, qui bene videt, *ipsum esse* praecedere *umbram* ipsius. — Hoc sensu accipiendi sunt illa verba, quae multis fuerunt lapis offensionis: «*Esse igitur est, quod primo cadit in intellectu; et illud esse est, quod est purus actus*» (n. 3.). Sensus igitur genuinus hic est: ipsum *esse* non est in rebus particularibus nisi *per participationem et modo arctato et imperfecto*, nec ab intellectu humano primo suo actu *apprehenditur* in sua puritate et distinctione, sed tantum imperfectissime in illa communissimi *esse* umbra; idem tamen ab oculo *contemplativo* cognoscitur distincte ut illud *esse*, quo revera «*nihil prius est, nec secundum rem nec secundum intellectum*». Quia autem intellectus *apprehendens* propter suam caecitatem illud *esse purissimum* «*non videt*», «*nec advertit*», immo «*videtur sibi nihil videre*» (ut inculcat, illud. n. 1.); S. Doctor miro acumen secundum intellectum *reflectentem et resolventem* ex ipso conceptu *totum esse per se* evoluit praecipua attributa divina.

In toto autem Itinerario suo Seraphicus innotuit doctrinae S. Augustini; ad cuius profunditatem intelligendum simul optinam quasi clavem praebet. Qui igitur sublimi hoc opusculum bene vult intelligere legat vel potius meditetur S. Augustini libros de Vera Religione, VI. de Musica et II. de Libero Arbitrio, vel saltem conferat locos a nobis in notis allegatos.